

四庫全書

史部

欽定四庫全書

史部

江西通志卷一百十二

詳校官監察御史_臣范衷

檢討_臣德生覆勘

總校官知縣_臣楊懋珩

校對官中書_臣潘庭筠

謄錄監生_臣王錦

欽定四庫全書

江西通志卷一百十一

寺觀一

大江西來靈氣所聚峯迴水繞停雲駐霧寶刹琳宮
每居勝處法侶高人杖笠斯寓秀峯瞻雲

龍章煥翥大上清宮

聖恩隆注千山萬壑具有佳趣即近塵區亦同靜住異
跡奇踪往往可據訪古尋幽或於此過作寺觀志

南昌府

市林寺

在南昌縣晉太始六年建後併入塔下寺

圓覺寺

在南昌縣夢洲晉太始七年建內有大觀樓久廢本朝康熙己亥秋僧明星重建學使王思

記訓

延慶寺

在省城順化門內晉建武元年得琉璃佛像詔建寺奉之名琉璃寺一云劉宋時建唐咸通二

年

觀察使嚴謨表請重建因延慶節奏上改名延慶本朝順治五年燬於兵巡撫董衛國倡捐復新之

普賢寺

在省城惠民門內晉故禪居寺隆安四年武昌太守熊鳴鶴捨宅建唐神龍元年改為隆興院

會昌間觀察使裴休迎黃檗山希運禪師居此南唐保大二年袁州刺史邊鋤以鐵二十萬斤鑄普賢乘

白象寺遂以名明永樂間重建嘉靖丙戌修郡人王文明碑記本朝康熙四十一年巡撫張志棟布政

使盧崇
興重建

菩提寺

在省城東
晉時建

觀音寺

在南昌縣蓼洲晉建後
廢僅存水口祖師臺

百福寺

在南昌縣繩金塔之東府志云
晉建陳弘緒名蹟紀云宋時建

桑林寺

在南昌縣六十四都舊名延福寺唐武德五年
建有宋宣和六年碑一建炎二年所鑄鐘一

清泰寺

在南昌縣南關口唐初建寺
于京家山明景泰間遷此

真寂寺

在省城南辟邪鋪之東其址即天祿山也唐貞觀初
構庵開元間稱寺相傳馬祖卓錫于此俗名鄧陂寺

九蓮寺

在省城進賢門外溫司馬祠後
唐神龍元年建寺有九蓮池

真覺寺

在南昌縣北鄉黃臺唐開元間建宋治平中賜額

總持寺

在省城進賢門內唐開元中建舊名總持院碑刻乾符三年牒中和五年牒各一通內有龍井

周必大記

化度寺

在南昌縣大木山唐大中元年建一名大中寺

崇勝寺

在南昌縣北沙車子坊唐咸通十年建

應天寺

在省城進賢門內唐光啟元年建一名鞠林寺相傳僧鞠林禱雨靈驗改令名宋文信國天祥

重新之

繩金塔寺

在省城進賢門外舊名千佛院唐天祐間建
有繩金寶塔相傳建塔時掘地得鐵函劍三

金瓶舍利三百俗名塔
下寺舊有趙孟頫碑

望仙寺

在省城進賢門外唐天祐間建寺有亭
祀南昌尉梅福相傳漢時尉解在此

佛頭塔寺

在省城南十五
里官道傍唐建

大雄寺

在南昌縣瑞湖西北唐時有大雄村善
士建齋飛幡至此因建寺遂名大雄

阿耨寺

在南昌縣歸
德鄉唐建

寶積寺

在南昌縣
武漢唐建

新林寺

在南昌縣六
十二都唐建

定光寺

在省城南四十五里唐咸通間建今名龍溪寺

白果寺

在南昌縣二十一都唐建

禪隱寺

在南昌縣游湖宋淳化間建

普照寺

在南昌縣灌城鄉宋淳祐間勅賜

興福寺

在省城南二里宋悟寬禪師講經有白蛇來聽又呼蛇聽寺

大梵寺

在南昌縣灌城鄉明洪武三年自城北遷建

圓常寺

在省城南大洲村其址即唐福山也舊名唐福院明萬厯間建藏經閣于此

金襴寺

在南昌縣上諶店東沙門性悟創建自為記

棲真寺

在南昌縣黃溪渡

隍城寺

在南昌縣灌城鄉

毘盧禪院

在南昌縣乾封鄉晉時羅氏建

迴龍禪院

在南昌縣歸德鄉

元武禪院

在南昌縣三十都忠孝鄉陶氏建

九蓮禪院

在南昌縣二十六都

法雲禪院

在進賢門外康熙元年布政使余應魁建

聽月庵

在南昌縣鐘鼓樓前僧鹿門建

永和庵

在省城永和外門外宋勅賜彌仙觀明萬厯間改為庵又名應龍禪院以禱雨龍現有應

地藏庵

在省城進賢門外僧定惠重新

清淨庵

在省城順化門外邑士任景捐貲重建

迴龍庵

在省城順化門外五里李花塘

生生庵

在南昌縣同仁祠之左內有放生亭明崇禎間推官李嗣京建自為記華亭陳繼儒跋

憩雲庵

在省城內東湖旁本朝康熙戊辰滇南僧超淵結茅于此後巡撫宋榮郎延極相繼增新

蓮波庵

在省城東湖百花洲學使王思訓額曰恒沙寺

丹霞觀

在南昌縣鍾陵鄉青山湖口晉太康二年建有許旌陽丹井

玉宸觀

在南昌縣鍾陵鄉相傳有廟在觀之西
晉太康二年雷雨夜作忽徙觀于廟西

沖真觀

在南昌縣沙埠潭
建有許旌陽眺蛟臺

沖道觀

在南昌縣劉城晉黃仁覽
居此咸和二年雷雨拔宅

靈仙觀

在南昌縣東鄉梓溪係許
旌陽隱處晉咸和二年建

太虛觀

在南昌縣歸德鄉晉
建一名招仙福地

常清觀

在南昌縣歸
德鄉晉建

招仙觀

在南昌縣東鄉劍湖之南晉建相傳許旌陽拖
劍斬蛟遂成小河名曰劍湖其洲名曰磨劍洲

玉臺觀

在南昌縣西鄉
晉建祀許旌陽

太極觀

在南昌縣灌城鄉許旌陽嘗遊憩于此

太乙觀

在省城東本梅子真宅唐貞觀十五年刺史周遜奏建以居天師萬振一名天寧觀

逍遙觀

在南昌縣三十六都舊名龍泉觀唐乾元間建宋治平四年更今額相傳為王郭二真人憩息

處

十華觀

在南昌縣長定鄉唐會昌初建宋咸平六年賜名紫虛觀治平四年復前額相傳胡萬二真人

修煉處

元妙觀

在省城廣潤門內唐真人胡慧超過此見大樟樹為妖焚其樹創信果觀宋改天慶觀元改今

廢額已

二聖院

在省城進賢門內豫章書院之右順治間巡按許世昌建康熙丁酉布政使許兆麟重修

紫霄觀

在南昌長定鄉唐賜名旌恩宮宋治平四年改今額相傳胡萬二真人修煉處有丹井

凌虛觀

在南昌縣南鄉舊名飛雲觀宋元祐三年建宣和間改今額相傳有真人熊覺恭煉丹于此明

永樂間白玉蟾化形居觀中小樓兩月去不知所之遺有飛雲福地書額及詩

玉清觀

在省城進賢門外水次倉口宋慶元二年九江道士黃自然來此善療疾疫京相鎰捨園為觀

祀真武

清都觀

在南昌縣南鄉宋慶元二年勅賜

純陽觀

在省城進賢門外陳仲舉祠左宋建

妙濟萬壽宮

即鐵柱宮在省城廣潤門內晉建祀旌陽令許遜宮左有井與江水相消長中有鐵

柱旌陽所鑄西山雙嶺前亦有鐵柱一皆以鎮蛟螭之害唐咸通中額曰鐵柱觀宋大中祥符二年賜名景德觀政和八年改延真觀嘉定間御書額鐵柱延真之宮明初壬寅春太祖至龍興幸鐵柱觀嘉靖間賜今名萬曆二十八年復建前有勅書亭後有玉皇閣尋燬國朝康熙十年巡撫董衛國建雍正元年復燬巡撫裴偉度重建自為記

紫極宮

在省城進賢門外晉建唐天寶間書額內有吳彩鸞寫韻軒宋劉辰翁記

文昌宮

一在南昌縣南亦名會靈宮宋咸淳九年建一在鐘鼓樓前明萬曆間建

龍泉寺

在新建縣東槽鄉晉咸寧間勅建資福寺梁武帝改令名邑令游龍有記

大安寺

在省城北初名東寺有鐵香爐高六尺許識云吳赤烏元年造晉時西域僧安世高本安息王

太子避位來止于此遂名大安寺一云晉隆安二年鎮西將軍謝尚施宅為之唐武德間改為宣明寺大

中間又改普濟寺明初重建復今額邑人熊洪度有記

香城寺

在新建縣西山晉沙門曇顯欲創佛殿禱于山得香木大堪為柱殿成每誦經佛前以木屑焚

之香聞數里故名寺傍有香城書院後有講經臺遺跡明嘉隆間寺廢萬歷末僧法海重建一云晉僧白

雲善六茂法因寇亂以香遍拂山口烟遂為城寇見遠遁

報恩寺

在新建縣樵舍鎮之左山臨江上其麓為報恩院晉建明嘉靖間重興

翠巖廣化寺

在新建縣洪崖鄉晉雷煥取西山北巖上拭劍即此地初名常緣寺齊始安王遙先

建唐武德間改為洪井寺又改翠巖寺南唐為院更
今名一云梁景明初劉準建明嘉靖中為俗姓所據
還少宰熊文舉迎僧古雪通詰開堂說法刻有翠巖
志畧

龍光寺

在省城北龍沙崗創自晉其地三面積沙蜿蜒
擁抱南有蓮池水澄瑩不受沙侵最稱奇勝後

寺圯明布政使陸
長庚丁繼嗣重修

佑清寺

在新建縣崇梵坊初郡故子城西有蛟井在梁
葛鰲宅東南天監中龍闕井中豫章王蕭綜造

大佛鎮之鰲復于太清初捨宅名大佛寺唐開元間
改為開元寺有唐明皇銅像號真容殿大厯間馬祖
建道場于此有戒壇浴室遺蹟大中間燬後南平王
鍾傳復建為上藍院以居上藍山僧令超宋真宗時

改承天寺政和間改能仁寺明初以寺址創南昌縣治遷寺于元故帝師殿一云即鍾傳之故居景泰間更今名為祝釐習禮之所有藏經閣萬厯間古心禪師道安建本朝順治戊子燬於兵住持僧照福募葺總督張朝璘巡撫董衛國重修大殿建藏經閣鑄佛像改名佑清寺康熙二十五年募請藏經匱貯寶閣舊分十六寮今祇存金粟華嚴興隆普慧普安大士留香圓通普覺九堂

善果寺

在新建縣三十三都舊名新里院建于梁天監中宋建炎間廢元延佑五年有玉溪僧如瓚復

之興

鹿苑寺

在新建縣昌山梁天監中建宋潘興嗣有記

石亭寺

在省城章江門外唐建前觀察使韋丹有遺愛碑覆以石亭大中十三年丹子宙觀察江西奏

以為石亭院裴休題額宋政和間廢為觀明初復為寺亦稱石亭觀音院本朝順治中總督張朝璘撤

而新之前建樓與滕王閣並峙郡人李明睿題曰鈞天閣雍正三年九月丹後裔弁重修

戒珠寺

在新建縣二十都唐建初名正國寺明弘治辛亥僧清溪重修舊有問月亭卜告軒掬雲堂放

生池
諸勝

盤龍寺

在新建縣禹港二里許西山八名剎之一唐僧齊己書堂也舊有光化年間勅牒牒尾有崔嗣

陸宸裴樞王溥畫與字一作盤龍院邑人徐世溥有記

雲蓋寺

在新建縣西北四十餘里唐天復間鎮南軍節度使鍾傳即雲蓋山為光化僧懷溢建額曰龍

壽禪院宋進士裘由庚有復田記

大寧寺

在新建縣辛里源南唐主辛洪井諸僧覺寂於寺中大數宗旨

東山寺

在新建縣唐建宋大中祥符間僧修演重建寺有卧如來像明初併入永寧

北蘭寺

在省城德勝門外南岳讓禪師道塲後廢本朝康熙丁巳有臨濟派下僧淡雪由浙西來重

建前後殿宇疊石為山種竹栽松通止戈泉為井引蟹子泉為溪戊辰巡撫宋榮建綿津詩屋及秋屏閣

列岫亭煙江疊嶂堂布政盧崇興建三元殿觀蘭亭已卯學士查昇題豫章勝縣額并書煙江疊嶂堂記

章江寺

在新建縣章江西岸晦堂禪師道塲宋邑人潘慎修記明萬厯間重建剎地得韋馱石像一座

張位有記

雲峯寺

在香城寺右初為雲庵元至大已酉僧澄弘修明正德間僧澄秀重修人稱孤峯和尚李鼎孫

汝成
有記

大定寺

在省城德勝門外明劉尚寶斯埠重建結放生社臨川陳際泰序

天寧寺

在省城德勝門外舊名光孝寺

清蓮寺

在新建縣玉溪東鄉湖水漣漪柳綠蓮紅互相掩映故名

雷王領雷音寺

在新建縣游仙鄉

珠林寺

在省城進賢門外本朝布政司劉健王新命同建

旃檀寺

在新建縣濞溪鄉左有見龍塔邑人李明府重興

匯圖寺

在新建縣楊家灘前有風雨亭

雙嶺崇勝院

在新建縣西北晉刺史胡尚捨宅為寺延天竺僧曇顯居此水經注稱曇顯建精舍

山南即其地有謝靈運繙經臺久廢
本朝康熙年間重建邑人黎元寬有序

古佛嶺觀音院

在雙嶺寺東
仰山住靜處

龍沙天王院

在新建縣隋仁壽二年
建中有烏遮塔已廢

禪悟院

在新建縣西山緱嶺東院側有深巖禱雨輒應
相傳旌旒陽譏云老龍寄在蟾塢內留與江西

救旱災又傳馬祖初渡江於此坐禪得悟故名近
有牧童持火入巖見其底有悟禪二字長尺餘

上塔院

去新建縣禹港五里許
唐令超禪師藏塔于此

雲堂院

在省城西梅嶺唐僧貫休
居此有山居詩二十四首

金盤院

在新建縣伍諫鄉唐建光化大師駐錫處後掘古井得光化遺偈四句

雲溪院

在省城西梅嶺宋南昌袁陟嘗與曾鞏王安石遊此陟後卜居其旁

惠嚴院

在新建縣西山東源宋潛庵禪師道場釋悟心重興

謹嚴院

在新建縣玉溪東鄉宋度宗元年勅建

靈觀院

去香城寺二里許明萬厯末釋無來建舊傳晉僧曇顯結壇禱雨於此號雨師羅漢又名靈觀壇

雲棲院

在新建縣伍諫鄉

福巖院

在雙嶺崇勝院東二里有虎跑泉濯星池諸勝久廢本朝順治二年僧隆錦重興建塔今名

西止
禪院

石幢庵

在新建縣西山鮑公坑僧洪浪偕其友啗石霞生自桐城移錫居此陳弘緒有記

碧雲庵

在新建縣太平鄉右有石壁鐫玉泓泉三字前有巨石刻宋侍講元剛詩

圓通庵

在新建縣相里明鄧少宰以讚建手題圓通靜室

至德觀

在新建縣善政鄉其下即天寶洞南門晉永嘉間建

建德觀

在新建縣易俗坊晉咸和間建相傳南嶽紫虛元君魏華存修真處觀後有丹井本朝初觀

圮康熙八年總督董衛國重修

總真觀

在新建縣清波山晉寧康中建祀許旌陽宋徽宗時重修曾鞏記本朝康熙十五年里人喻

全昱
重建

彭真觀

在新建縣西即宗華觀晉彭真人
伉故宅謝康樂題額曰宗華福地

霞山觀

在新建縣即
蘭真人祠

沖虛觀

在新建縣葛仙峯之南上
有葛仙壇為葛洪禮斗處

陽靈觀

在新建縣桃花鄉舊名梅仙
觀祠傳梅子真嘗隱于此

廣福觀

在新建縣西山南舊傳有
許旌陽斬蛟劍藏于石室

丹陵觀

在新建縣象牙潭晉鍾離權修道所舊名鍾王
府明魏恭簡良弼講學于此為丹陵書院後改

為觀

天寶觀

在新建縣西山天寶
洞隋仁壽二年建

開元觀

在新建縣修仁坊舊有唐滕王元嬰碑文為真人萬振作久廢本朝康熙四年知縣魏雙鳳重建

龍興觀

在省城德勝門外唐神龍間賜額舊有假山高數丈可以登陟

龍山觀

在新建縣天寶洞西南舊名五龍洞胡真人慧超嘗立祠為祈禱之所

道德觀

在新建縣宋建後廢入貢院觀移永寧寺後

玉虛觀

在省城德勝門外唐江西觀察使路嗣恭故宅宋立宗濂精舍元為新建縣治後廢為觀

翊貞觀

在新建縣梅嶺西南有二松相去五尺合為一幹號義松宋黃庭堅有記

東岳觀

一在新建縣桃花鄉宋建一在省城永和門外本朝康熙三年巡撫董衛國捐貲重新

玉真觀

在新建縣烏品隱士劉玉棲真之所內有玉真壇

玉隆萬壽宮

在新建縣逍遙山舊名遊帷觀即許旌陽故宅相傳旌陽嘗以五色帷施黃堂謠母

祠及仙去錦帷飛還故宅民因立觀南唐徐鉉書額宋大中祥符三年更今名宮內有逍遙閣明萬曆十三年重修萬恭擬碑記十七年民人廟地得金龍玉簡各一今藏鐵柱宮本朝初年燬于兵少宰熊文舉重修創玉皇閣立石記之

紫清宮

在新建縣洪井張璪棲真之所唐乾元中建初名應勝宮有肅宗遺像宋改今名

黃堂隆道宮

在新建縣松湖舊名黃堂觀相傳謠母擲茅為識許吳二真君尋飛茅止處建黃堂

祠以祀謠母黃堂者母丹陽居名也元虞集揭傒斯俱有記

南極長生宮

在新建縣西山蕭峯下明宣德七年寧獻王建奏請賜額

正法寺

在豐城縣治東晉太元間建寺內分十院本朝順治庚子知縣何士錦重建

壽昌寺

在豐城縣治東唐馬祖建邑人潘清隱施今為祝釐習儀之所

梵慧寺

在豐城縣北湖馬祖建

慧燈寺

在豐城縣宜風鄉馬祖建

華嚴寺

光福寺 俱在豐城縣興仁鄉馬祖建

定明寺

在豐城縣長豐鄉馬祖建

海慧寺

在豐城縣慈山馬祖建後有甘露臺宋淳熙間僧曉瑩築木朝順治年僧洞明重修

智度寺

在豐城縣櫛山宋僧廣照建西偏有宗賢祠下有墨池即給事泉也

白雲庵

在豐城縣東門明羅洪先寓此有詩

白鶴觀

在豐城縣西嚴家山按本觀實錄真人甘戰飛昇于此族人建飛仙庵後改廣福觀唐高宗封

禪見白鶴飛翔凡未賜觀額者皆以白鶴為名後廢

烏石觀

舊名至德觀在豐城縣興仁鄉唐道士萬石泉建

梅仙觀

在豐城縣宣風鄉漢梅福煉丹于此後立梅仙庵宋元豐五年封壽春真人紹興六年加吏隱

二勅
俱存

崇仙觀

在豐城縣十都晉仙人曾亨煉丹之所宋道士朱肖庵建

勝靈觀

在豐城縣大順鄉晉淳邱公經遊處宋道士張慶齋建

招雲觀

在豐城縣正信鄉晉王郭二仙經遊宋道士張堅建

興雲觀

在豐城縣興仁鄉晉許真人經遊之所元道士鄔自閑建

冲靈觀

在豐城縣興仁鄉許真人嘗逐鹿于此元道士游希元建

仙林觀

在豐城縣會昌鄉晉尹真人道場即文簡過吳彩鸞之所

福勝寺

在進賢縣南舊名福勝禪院寺後有玉版居明提學黃汝亨建

海智寺

在進賢縣東南白雲山

能仁寺

在進賢縣歸德鄉舊名堯城寺宋治平間賜額

三德寺

在進賢縣查城山已廢

摩尼寺

在進賢縣長慶山

金剛寺

在進賢縣棲賢山即唐戴叔倫故宅

定香寺

在進賢縣二十五都宋汪藻有詩已廢

慈恩寺

在進賢縣新城山邑令程迥有記畧

靜慈寺

即鯉潭寺在進賢縣十三四都

崇因寺

在進賢縣上坊宋治平三年賜額

崇化寺

今改鶴林寺在進賢縣小岡里明萬曆時建賜有五大部紫衣幢幡魚磬宗伯吳士元撰碑

本朝順治己亥都諫饒宇棧重建

崇聖寺

在進賢縣白湖峯

崇福寺

在進賢縣中城山一名中城寺已廢

三摩庵

在進賢縣西門外明萬厯間邑人羅文燧捐地為庵學使黃汝亨有記

麻姑觀

在進賢縣麻山相傳麻姑經遊于此

三寶觀

在進賢縣九都面大湖址沙麓相傳仙人跨鶴而下有石棋古劍銅鐘

鶴仙觀

在進賢縣介岡里

崇真觀

在進賢縣折桂坊舊名太霄觀又名藏山觀相傳白玉蟾煉丹于此學使黃汝亨有重修記

寶雲寺

在奉新縣東北梁太清元年建名信誠寺後馬祖講經于此致紫雲之祥改今名元季毀明洪

武初
重建

百丈寺

在奉新縣百丈山唐僧大智建為鄉導庵後唐宣宗勅建大智壽聖禪寺賜租贍僧柳公權書

碑

海慧寺

在奉新縣唐乾符中建

隆教寺

在奉新縣宋祥符間僧如璉建舊名臨湖院明洪武二十一年僧會淨住增修二十六年開叢

林後廢弘治間寶蓮院僧智宏智寬重建石碑存

延恩寺

在奉新縣東三百步舊名羅漢院後燬重修改名明洪武間僧崇信等復建嘉靖二年移惠

安廢寺大佛羅漢于內七年併入寶雲寺八年告復仍名延恩

定慧禪院

在奉新縣新興鄉創于梁天監二年重興于明永樂三年崇禎初僧宗妙增修為叢林

巖頭禪院

在奉新縣新興鄉唐建宋景定間僧景福重建元末兵燬本朝順治十一年釋知春重

興寺環大山中有金鵝洞
鐘鼓岑寒潭瀑雪諸勝

大寶勝輪塔院

在百丈寺西大雄峯下乃大智禪師寧堵也塔殿毀于宋明洪武初興復天順

中增修

九仙壽聖禪院

在奉新縣九仙山宋治平三年建寺前里許有鎖雲亭已廢

寶蓮院

在奉新縣越王山之巔富溪劉氏建宋進士胡晉侯記

普安院

在奉新縣奉化鄉元季燬明洪武五年僧志義建元進士鄧梓記已廢

寒溪院

在奉新縣金峯山唐大智禪師往來之所久廢明洪武間重建法堂置鐘鼓樓宣德間增葺

普化院

在奉新縣小雄山舊名長嶺唐大智禪師初駐錫之地明天順二年僧慶雲等建崇禎末年重修

修

延恩院

在奉新縣東琴山明景泰四年寺僧昕竺因舊址建已廢

戒德院

在奉新縣密嚴山明景泰中建成后萬曆三十二年里人彭祥仲復修

成覺院

在奉新縣新興鄉明崇禎中僧宗妙增建

雲端院

在奉新縣馮川橋之南明知縣馮熒建

耕香院

在奉新縣新興鄉本朝順治十三年僧敏勛建

中沙庵

在奉新縣馮水南舊雷壇是也邑人鄧圻肄業于此後領鄉薦遂擴大之前祀真武後建佛殿

更今名

昭德觀

在奉新縣西二百步舊名閭業觀劉道成故宅也梁大同中始建觀祀之唐末燬于兵道士徐

守正興復南唐時胡仲堯重修李主賜詔褒美徐鉉作碑記宋祥符元年賜今額明洪武成化間相繼修建

景雲觀

在奉新縣建康鄉舊名拔茅觀宋治平中賜今額明洪武間道會章志德重修

立雲觀

在奉新縣陶仙山舊名陶仙觀陶安公故宅也宋治平三年賜今額明洪武三年里人潘亦清

修

景福觀

在奉新縣南鄉陶安公二女沖舉之地舊名會仙觀宋治平中賜今額明洪武五年道士熊持

建用重

真常觀

在奉新縣越王山舊名招仙觀即文簫吳彩鸞跨虎之地宋治平中賜今額明洪武元年道士

彭秋遠修

柏林觀

在奉新縣北鄉有柏林仙童遺跡宋熙寧元年賜額明洪武間道會李心易重建成化間邑人

胡正德修

大元觀

在奉新縣新安鄉舊名崇真觀宋熙寧二年賜今額

葆真觀

在奉新縣從善鄉舊名尹仙觀宋大觀元年賜額

崇虛觀

在奉新縣南鄉即東白源福地宋政和年勅建賜額

崇元觀

舊在奉新縣東北二百步自福地東白源分徙于此嘉靖元年併入昭德觀三年改建于縣治

東崇禎末廢本朝順治九年邑衆修復易名朝天宮

延真觀

在奉新縣十九都觀側有鎮蛟石相傳許吳二真人逐蛟入穴以巨石書符鎮之

浮雲宮

在奉新縣華林山有浮邱石室李八百洞唐開元二十五年孫真人智諒請觀額賜曰浮雲宋

熙寧元年增壽聖二字宮前有劍池丹井舊有三堂俱燬于元季明洪武元年道士陳雲隱創復後為正

一叢林

雙林寺

在靖安縣繡谷山下晉西域沙門竺曇過之稱其山水似西天婆羅雙林間如來說法之地遂

開山居馬唐柳公權書
門扁曰大中雙林禪寺

延慶寺

在靖安縣西北忠夏都梁天監中建宋紹興間僧子忠刻華嚴像黃庭堅為頌明洪武初僧道

泰復
興

寶峯寺

在靖安縣北石門山唐馬祖得法于南岳讓貞元四年建骨塔于此後有選佛堂藕潭釣磯冕

旒山
諸勝

暇僧寺

在靖安縣忠夏都馬祖開山其地可以避暑故名明洪武初僧法寶重建崇禎間改名龍門寺

雲陽寺

在靖安縣南源都創自唐時明嘉靖萬厯間增修

法藥寺

即法藥院在靖安縣東二百步寺以馬祖得名宋乾道中僧慈中重建元末燬明洪武四年僧

妙住興復正統五年增建鐘鼓樓朝賀習儀
於此本朝康熙八年僧百拙重建殿宇

黃龍寺

在靖安縣南五里許初名定明院今改
寺元季兵燬明正統甲子僧永海建

九仙寺

在靖安縣南源都明
永樂九年建界奉新

曹溪寺

在靖安縣大梓都六祖曾結茅于此明萬厯間
僧中庵重建本朝順治九年僧印明建觀音

殿

金沙寺

在靖安縣西石馬都明
萬厯二十年僧性朗建

善法院

在靖安縣東江都初名西林宋祥符二年
改今額本朝順治九年僧貞白重修

報身院

在靖安縣南源都明正
統間僧本然重建已廢

寶月院

在靖安縣象湖都明景泰癸酉建已廢

書堂庵

又名雲峯寺在靖安縣西新興都唐馬祖建前有觀音崖後有虎跡石明正統間重建後燬復

興

棲霞觀

在靖安縣西永恩坊晉女冠劉懿真得道處亦名劉仙觀宋治平間改今額一名華車觀

登真觀

在靖安縣西益田都晉許旌陽遂蛟過此有試劍石

凝禧觀

在靖安縣熊仙都後周顯德元年建明洪武初道士馬文佐重建

崇元觀

在靖安縣西棠棣都葛仙山之西

甘仙觀

在靖安縣即甘真人故宅

集仙觀

在靖安縣忠夏都
明永樂九年建

延恩寺

在武寧縣尊賢坊宋元豐間法安
禪師居此黃庭堅為塔記後廢

建福寺

在武寧縣治東二百步元燬明洪武二
年知縣盛文郁以其地為藩臬二分局

龍潭寺

在武寧縣西龍潭石之東內有小軒
黃庭堅名之曰廣心軒寺廢後重建

溥濟寺

在武寧縣南市
邑民張溥建

龍興寺

在武寧縣三山上宋岳飛平
楊么經歷其地中有岳公祠

石鏡寺

在武寧縣
石鏡山

明心寺

在武寧縣四望山下
一名新興寺已廢

譚田寺

在武寧縣東
安樂鄉已廢

新峯寺

在武寧縣三十五
都有銅佛一座

丁仙寺

在武寧縣長樂鄉許家洞
祀丁仙姑顏曰海龍洞府

靈濟法院

在武寧縣治南飛鳳山上宋章真人煉丹處
久廢明萬曆三十四年里人張大昆捐建

延慶院

在武寧縣四十三
都舊名寶安寺

吳仙觀

在武寧縣晉吳猛得仙
處後觀廢其壇僅存

精靈觀

即丁仙觀在武
寧縣遼山之東

甘泉觀

在武寧縣昇仁鄉世傳許旌陽捕蛟憩息于此
其徒甘戰持劍于地泉湧出甚甘後人因立觀

祀旌陽有亭覆井名曰甘泉亭元
李燬明成化間里人董甫重建

玉清宮

在武寧縣鐘鼎山下唐呂巖煉丹處宋徽宗勅
建道場本朝順治二年燬道士湯豁然等募

修

太平宮

在武寧縣年豐鄉祀宋真人章自然山係竺壽
翁所捨鑄大鐘重千斤本朝順治初增修

欽天瑞慶宮

在武寧縣年豐鄉宋真人張道洪修煉處
光宗賜號真牧真人寧宗御書令額又名

九宮
觀

朝元宮

在武寧縣治東明倫坊即上清觀明景泰間習
儀處後燬嘉靖元年知縣陸浚重建本朝順

治初兵燬道士
章化麟等興復

延安寺

在寧州治西一里明宣德并重建後
北州人陳居靜陳思忠相繼修葺

鷄鳴山寺

在寧州治西五里許舊為庵
廢明隆慶中僧弘鐘復建

經光法寺

在寧州明周
叔襄有詩

石潭院

在寧州治東四十里秦鄉令名
禪濟寺唐末建僧栖蟾有記

雲巖禪院

在寧州治東三百步宋元祐中僧法靖結庵
于古木間河東柳敬叔名為頤庵黃山谷為

記紹聖中韶陽老人悟新為轉輪蓮華藏明嘉靖間
州同林春澤題額本朝康熙元年僧淨瑩重建殿

宇

南山院

在寧州治南二里隔修江元末兵燬明
成化十三年重建寺有黃庭堅讀書樓

雲峯院

在寧州崇鄉
曾輩有記

兜率禪院

在寧州仁鄉從說禪
師道場曾輩有記

興化禪院

在寧州仁鄉
黃庭堅有記

佛惠院

在寧州仁鄉即永
寧院一在崇鄉

黃龍院

在寧州西一百八十里宋
黃庭堅有寄黃龍禪師詩

清虛庵

在寧州治西北二里許鳳山對峙
鰲水流前明萬厯中陳遜之建

旌陽觀

在寧州治東二里許隔修江舊名得
日觀在旌陽山下唐襄陽李質有詩

丹霞觀

在寧州奉鄉
祝彬有記

凌霄觀

在寧州高鄉
即唐劍池

明山觀

在寧州崇鄉元至正
四年建明嘉靖中修

儀翔宮

在寧州治北鳳山之麓晉有玉光壇許旌陽遊
息之所明洪武二年道士劉日新重建殿壇

本朝康熙丁巳知
州任壇獻重修

瑞州府

淨居寺

在高安縣西四十里隋開皇九年建唐貞觀三
年廢大歷三年復興有施肩吾記宋治平間改

額今

禪那寺

在府城南鳴鳳坊唐建本朝初年重修寺前
有池相傳舊產蓮花每年花只九朵因名九蓮

池

太平興國寺

在府治南唐建宋賜今額
蘇轍與王適遊此有詩

觀音寺

在府城高門門西偏唐建賜額三論道場宋太平興國時改名太平蘭若元末燬明萬厯三十

四年知縣盧某鑄像建殿知府魯史題其額曰城曲
落迦 本朝康熙八年燬于火十年知縣張文旦復
修

棲隱寺

在府城南
靖安門內

真如寺

在府治東南宋建以大愚雙呂祖儉寓此亦名
大愚寺蘇軾兄弟陸游俱有題咏明萬厯中蜀

僧中白主之知縣田一甲馮大任興復建有懶雲窩
八角亭 本朝康熙五年僧徧鵬募建正殿藏經閣

靈山寺

在高安縣釣山

洞山寺

在府學西即新昌洞山寺下院山上清風亭明知府夏景建本朝康熙初更創正殿八年建

千佛

閣

寶福寺

在高安縣三十都洪城明幸鳴鶴有記

萬善寺

在高安縣雲岡山明崇禎間邑人沈春起召僧朗空募建

雲居寺

在高安縣石鼓潭上四圍山拱若城松竹陰映本朝康熙七年重修

多寶寺

在高安縣石頭街寺倚嶺有古塔數座

香林寺

在高安縣車田

祥雲寺

一在府城外七里橋一在十二都原名隆真觀本朝康熙五年同知蔣胤修改額

聖壽廣福院

在府城南門外內有法堂宋蘇轍為記

慈雲院

在府城東二十里宋蘇轍有詩

金峯院

在高安縣銅溪舊名菩提寺宋大理寺丞劉襄見溪上兩峯環秀形在烏窠遂遷以居罇囉尊

者掘地得金佛因改今名明永樂中僧印于有記本朝康熙戊子燬庚寅僧上持重建

淨慈院

在高安縣四西宋劉漢故里陳舜俞游此有詩

太平院

在府城朝陽門外原大愚寺懶雲窩故址本朝康熙初年知府楊朝建以居雪明和尚舊名

放生城

修竹庵

在府治後碧落山宋文天祥建四圍修竹可以避暑

棲霞觀

在府城南三十里相傳王子喬所游之地東晉置三皇觀後廢宋初復建

元妙觀

在府城朝天坊唐天寶間建明嘉靖間道人晏普天修規制弘敞於此祝釐范偶有記本朝

初地康熙二年巡撫董衛國捐修併創火神廟東有文昌宮推官張鳳翥重建胡起龍記

昇元觀

在府城西來賢鄉有許旌陽仙跡壇當生瑞竹

靈寶觀

在府城西四十里蓮花山梅子真修煉之所宋章元龍有記

玉晨觀

在府治東七里晉黃仁覽煉丹淬劍之地宋知州毛維瞻遊此有詩

崇元觀

在高安縣三十都丁秀英煉丹地宋章元龍有記

浮雲觀

在萬安縣昔孫志諒創室修行時人見其上嘗有雲氣飄飄因名

妙真宮

古元陽觀在府城西唐元和七年移於葫蘆井相近

長樂宮

在萬安縣東二都唐時敕建祀許旌陽居民禱懺靈驗明邑人陳邦瞻有記

普濟寺

在萬安縣北武泉山本東晉皇甫將軍宅日東僧師岸為浮屠精舍唐初賜武泉院額會昌中

廢光啟三年南平王鍾傳以錢二百萬委僧令嚴創建後燬南唐保大中僧義莪重建宋太平興國中改

今額有斷碑尚存

多寶寺

在萬縣嶽廟側舊名洞山唐大順間僧鈇開山宋治平元年改額元延祐庚申遷縣治後兵

燬明洪武丙辰僧平山於故址重建正德丁丑僧諒鎮修萬歷丁巳聖濟僧果滿建毘盧閣本朝順治

平卯僧止
永募修

崇寧寺

在上高縣河南舊名觀音勝果院唐大順間青
衣道者開山宋元代有興廢明洪武丁酉僧性

空重建
本朝康熙壬子僧
超能重建大雄寶殿改今額

崇福寺

在上高縣西九峯山唐鍾傳舍宅建寺舊傳尼
了然結庵于山之西乾寧中僧普滿開山昭宗
賜額弘濟天復中改今額元延祐間僧德建殿堂樓
閣明洪武丁巳僧性空增建
本朝康熙十年僧靈

石重
建

聖濟禪寺

在上高縣南善塘村唐道明禪師開山宋治
平元年賜額建炎戊申僧紹濟修元至正間

兵燬明洪武丙辰僧湛然重建明末
又燬本朝順治間僧思懶重建

金地寺

在上高縣南塘良園唐大順間僧姑林開山宋治平元年賜額元末兵燬明洪武間僧本性募

建本朝順治己亥邑人況文英捐倡重修

法忍寺

在上高縣礪村宋淳化三年創本朝康熙八年僧超然增修

田南寺

在上高縣宋縣丞游少游有詩

慈光院

在上高縣西茶源村唐大順間僧中峯開基宋治平元年賜額元至正丙午僧滄溟重修明洪

武初又修

廣利院

在上高縣西石虬渡舊名廣安唐大順間僧中峯開山元末燬明洪武甲寅僧中立重建本

朝康熙丁未僧悉聞建塔

圓光院

在上高縣東感仁鄉唐大順間僧鏡明開山宋改今額

上定林院

在上高縣西南末山舊曰天竺唐尼了然居之宋治平元年改額

下定林院

在上高縣北清源舊名福慶唐咸亨中建宋釋洪覺範有詩入上定林者誤

永樂院

在上高縣東馮村舊名康樂宋治平間改今額

延福院

在上高縣西觀山唐光啓間建宋治平元年賜額

香山院

在上高縣西浮樓嶺東唐大順間僧大機開山元末燬明洪武丁巳僧海巖重建

華嚴庵

在上高縣東城外鷗鷗洲明萬厯間勅封華嚴庵首山和尚孝安陳太后勅賜架裝及金佛

龍泉地藏庵

在上高縣治東龍口山下僧恒音自九華來募修并置香火田

真祐觀

在上高縣治南舊傳李真人飛昇處名松林觀宋治平元年改今額元末燬明洪武壬戌庚寅

相繼建黃侍郎黃景書額
後祀本朝康熙三年修

冲真觀

在上高縣北教嶺下晉教真人修煉處舊名教真觀宋治平元年改今額已廢

希存觀

在上高縣四十里舊名永豐觀相傳許旌陽曾遊于此宋治平元年改今額

虛白觀

在上高縣東靖下村晉甘羅二真人嘗遊其地舊名甘羅觀宋治平元年改今額

上清觀

在上高縣北四十里舊名隆傳觀宋治平元年改今額

永興觀

在上高縣北四十里宋元豐五年賜額已廢

東華萬壽宮

在上高縣蒙山之陽清溪大華山浮丘王郭三真人香火後為提舉司行香之所已廢

清涼寺

又名石臺寺在新昌縣義釣鄉隋九牛將軍漆興捨宅為寺唐咸通間智演禪師駐錫于此宋

治平間覺範禪師倡道此山丞相張商英等奏建報恩禪寺賜覺範寶鏡及圓明之號本朝康熙己酉

建藏

經閣

太子塔寺

在新昌縣天寶鄉唐建肅宗第十四子僖禪師出家從南陽忠國師居此賜田甚廣有真

身塔存焉遺記云塔倒松歪師徒再來宋紹聖中蘇轍以般若寶積涅槃華嚴諸經捨寺僧聰順卒為之

銘元至元戊寅僧紹重建明萬厯間復修

資福寺

在新昌縣天寶鄉湓田嶺上唐肅宗太子僖創距太子塔數里有白象眠雲曹溪湖古松關憩

錫信公石像諸勝久廢本朝康熙庚申僧道昱重建左有道昱塔

雲峯山寺

在新昌縣天寶鄉唐僧忠國禪師及信禪師卓錫之所寺在絕頂上有東西二窰宋元廢

明崇禎間有僧結廬其上吳莊介甘來題曰雲峯一壁

洞山寺

即普利寺在新昌縣太平鄉唐大中時良价禪師募雷衝地建中有新豐洞雲二亭逢渠橋考

功泉夜合石諸勝宋真宗仁宗有御書飛白草字及黃庭堅所書新豐吟元末皆燬于兵明崇禎重建知府陶履中有記

大智寺

在新昌縣義鈞鄉唐大智禪師卓錫于此

黃檗寺

即報恩光孝寺在新昌縣廣賢鄉唐名靈鷲斷際禪師希運道場也宋紹興九年賜名報恩光

孝禪寺奉徽宗香火蘇轍黃庭堅有詩明崇禎已巳重建吳莊介有記

五峯寺

原名淨覺在新昌縣廣賢鄉唐大中間改名普利柳公權書額宋蘇轍妻史氏施楞嚴標指要

義十卷周必大為跋明成化間廢本朝順治十三年修復

延福寺

在新昌縣南門外宋治平間僧觀建元僧妙慧新之明洪武初僧楚田重建本朝順治六年

修

淨戒寺

在新昌縣治北寺有竹西亭宋制每遇聖壽於亭放生

寶雲寺

在新昌縣太和鄉石門橋宋覺範禪師靜室明天啓間僧通仙重建

鹿苑禪寺

在新昌縣宣風鄉

法潤清涼禪寺

在新昌縣天德鄉宋覺範禪師衣鉢之所有塔存焉後僧斐庵重興

寶積寺

在新昌縣廣賢鄉宋姚勉有記

吉祥寺

在新昌縣天寶鄉

慧慶寺

在新昌縣惠政橋西一名普庵堂宋咸淳間姚德卿施地建明弘治中修詳王光佐記

清楚院

在新昌縣太和鄉唐太子信憩息于此

度門院

在新昌縣太和鄉宋樞密聶昌與龍圖龔端讀書於此

寶相院

在新昌縣義鈞鄉

隆道院

在新昌縣東門外舊在龍珠堆晉曰化民許旌陽嘗遊其地時苦巨浸旌陽尋水脉至觀前鎮

以巨石名壓水石患遂息宋太平興國建縣改觀今所扁曰祝聖宮元末兵燹明洪武初道士熊秋谷等

建重

鴻寶觀

在新昌縣太平鄉梅子真修煉之所晉道士丁崇歲建背溪枕流面對三峯

教仙觀

在新昌縣步仙橋之西相傳晉教真人修煉之所久廢里人為立路庭祠以存其舊

崇真觀

在新昌縣義鈞鄉晉旌陽煉丹處久廢惟丹井尚存

佑聖觀

在新昌縣治東北宋慶元間道士李石田募姚溉地建殿祀元武以鎮白蛇之害

五雲觀

在新昌縣天寶鄉許旌陽曾遊于此宋高安進士劉應龍有詩

元道觀

在新昌縣東北六十里東有雲峯壇仙石跡龍潭及許葛二仙橋

延禧觀

在新昌縣義鈞鄉趙師秀詠古詩有相傳陶令尹曾住此山中之句

袁州府

報恩寺

在府治東門內唐天授初為重興寺宋稱乾明崇寧間為崇寧萬壽寺政和間賜額天寧又改

神霄宮紹興間賜額元熈明重建

崇勝寺

舊在北門外唐建宋太平興國中復興方丈有竹尊者軒久圯以樵處市廛寺僧苦之明嘉靖三十六年知府張任改建化成巖之東

報親顯慶禪寺

在府治南蟠龍山頂唐南平王鍾傳初建蟠龍禪院宋治平間賜額永慶淳熙

間改賜今額為成恭皇后功德院明洪武二十四年僧和光立為叢林

太平興國寺

在府城南大仰山下唐會昌賜名棲隱宋改今額唐宋賜經御書碑碣甚多俱毀僅

存程鉅
夫擬碑

南源廣利寺

在宜春縣唐道明禪師建宋慈明禪師時特盛明季為流民所占僧具準重興

興化禪寺

舊名雲峯院在宜春縣南木平山內有飼龍亭

慈化寺

在府城北一百二十里常聚僧千餘人明時重建寺廣袤宏壯為郡刹之冠內有塔尚存

定安院

在宜春縣即沙江院明萬曆辛卯燬于火四十六年里人袁業泗募修

明惠院

在宜春縣本朝邑人張潛捐建後殿臺華閣背有五山曰屏風僧帽周路鳳形天鵝山產煤

禁採

白雲庵

距府城東四十里本朝康熙戊午知府李芳春題寶剎維新下有善慶庵在南台山內

長蘆庵

距府城南三十五里
其地古名冠子石山

元妙觀

在府城東門外即崇
福觀晉元康間建

靖嚴觀

在府治北舊名
龍興觀晉建

高真觀

在宜春縣宜春臺側有
棲霞閣舊為長興道院

澄心觀

在宜春縣宜春臺北明
洪武初歸併元妙觀

福勝寺

在分宜縣西五里吳寶鼎建宋黃度
堅有記明洪武二十四年立為叢林

真果寺

舊在分宜縣儒學左明
弘治間遷于城隍廟左

吉祥寺

在分宜縣紫霞
山為邑叢林

廣慶寺

在分宜縣南新興里 本朝康熙癸未僧悟修重興

鈴西寺

在分宜縣

永清院

在分宜縣院內有白巖清暉閣方池古松元歐陽元為賦四詩明歐陽貞撰清暉閣賦

崇真院

在分宜縣北三十里清泉稱古剎

南岫庵

在分宜縣西五里稱叢林

高嶺庵

在分宜縣白水境內庵後山名稍嶺

洞靈觀

在分宜縣南玉華山晉建宋紹興賜額明重修

上真觀

在分宜縣東相傳晉鄧真人飛昇之處已圯

玉虛觀

在分宜縣南豐樂鄉

真聖觀

在分宜縣南三十里化金鄉

寶積寺

在萍鄉縣南二里許舊名星居唐建宋黃庭堅有記又云舊名梵林後周廣順中居民李氏捨

地建顯德間有祥光現因賜今名有德味廚八還堂皆黃庭堅書額元末兵燬明洪武十三年僧妙懃重建今為僧會司

普通禪寺

在萍鄉縣北楊岐山下舊名廣利唐開元間廣利禪師所創歿後立塔劉禹錫作記元和

間甄坡禪師建塔太和六年王觀作銘宋慶曆初普愚禪師改今額元末燬僧嗣觀重建

龍鳴寺

在萍鄉縣西唐建

廣利禪寺

在萍鄉縣北萍實里唐乾符四年建

雲華寺

在萍鄉縣積善里前有龍潭及七墨水宋乾道五年建明洪武元年修正德三年燬後重建

五峯寺

在萍鄉縣宋黃庭堅送密老住五峯有詩即今縣西唐昌里南塘庵也

永昌寺

在萍鄉縣治西唐建名地藏宋治平間改今額元末兵燬明洪武間僧妙懃重建

聖昌院

在萍鄉縣長豐里梁天監元年創本朝僧含茂建前殿

慈日院

在萍鄉縣唐昌里唐貞觀五年創即今草市寺

治平院

在萍鄉縣東唐樂里宋乾道間建

橫龍庵

在萍鄉縣西門外五里許宋時依巖結茅至明覆以陶瓦天順間知縣王施因祈禱有驗邑人

王廷蘭建殿宇正德九年知縣胡佩增建鐘鼓樓萬曆丙申知縣陸世勛別避塵軒濯纓亭

龍泉庵

在萍鄉縣西烏石鋪之左殿之左右出甘泉明萬曆間邑人簡繼芳讀書處後燬其孫元奇重建

建

崇真觀

在萍鄉縣東九嶷仙鶴二山之間晉建因易退陳耽楊惠三真人修煉之所唐改為通真明改

額今

仙遊觀

在萍鄉縣仙桂里晉永和三年道士張統一創舊傳許旌陽遊此以劍揮地得泉元末燬明洪

武初
重建

佑聖觀

在萍鄉縣上栗鎮晉永和九年創元末兵燬重建

欽定四庫全書

江西通志

三十三

羅仙觀

一名沖應壇在萍鄉縣武功山下劉宋泰始間創元末兵燬明洪武重建

虛明觀

在萍鄉縣東名教里隋大業間創唐王觀有詩後兵燬邑人吳鳳翔重建

真聖觀

在萍鄉縣治南宋大觀間道士鍾永恭建和傳真武嘗示現雲間因以為名明洪武初道士張

洞元重建
為道會司

崇信寺

在萬載縣南布政分司左唐咸亨三年僧斷際開基元季兵燬明洪武間重建景泰四年增建

法堂
廊廡

萬祝寺

在萬載縣北芒皮嶺下

靜安院

在萬載縣唐武德八年創後唐明宗時僧若冰重建周顯德間復北宋開寶四年僧從緣復建

嘉定間普安禪師遊此有鐘銘元僧柏庭有記明洪武二年僧曇雲重建成化正德間增葺本朝康熙

甲寅殿圯
壬戌重修

三學院

在萬載縣西壽峯山唐貞觀十年僧大智開基元季兵燬明洪武三年僧草池重建

明覺院

在萬載縣北萬壽山唐貞觀時創本朝順治間洞宗小憨曠禪師重興

光化院

在萬載縣北嚴田唐咸亨元年僧斷際開基元季兵燬明洪武四年僧為宣重建

延壽院

在萬載縣東北清泉山唐咸亨二年僧斷際創明洪武三年僧文隱重建

惠林院

在萬載縣西南源江唐咸亨三年僧妙應創明洪武二年僧中峯重建正統十一年僧永照新

之

普城院

在萬載縣北岐裏唐開元五年創明嘉靖間重修後廢本朝康熙三年僧喜見復建并建水

橋口石

廣嚴院

在萬載縣西鉄山界唐天寶二年僧如珉創明洪武三年僧石隱重建

澄寂院

在萬載縣西山田坑唐泰和五年僧亭山創明永樂間僧智禧重建本朝康熙二十年僧慶

祚修復

崇道院

在萬載縣西排江唐天祐二年僧月仙開基明洪武元年僧昭雲重建

明寂院

萬載縣有二一在縣東北靈玉山南唐保大十一年創一在縣北上藍山宋大中祥符五年僧

澄寂創

勝果院

在萬載縣西石岐宋開寶二年僧東巖創明洪武四年僧為宣重建

保安院

在萬載縣西埭宋開寶二年僧介庵創明洪武二年僧無厭重建

安德院

在萬載縣東泉陂宋開寶四年僧惟實創明洪武四年僧無言重建

淨信院

在萬載縣西禮山宋開寶四年僧理容建明洪武三年僧智緣重建

下法會院

在萬載縣北青背宋開寶六年僧介庵創明洪武三年僧古鏡重建

淨覺院

即白楊山在萬載縣西六十里其地山水竹木迴遠塵境古稱袁郡七佛地此其一也宋太宗

時法順禪師開基明尚書易節有記本朝康熙二十一年建昆盧閣并建塔于中橋上

峯頂庵

在萬載縣西峯頂山唐馬祖修道之所因立東西北三塔其北塔兵燬明成化甲午邑人龍邦

重修殿宇更名九峯有清泉井冽旱禱靈應成
化九年邑人晏清因禱有感遂建西塔殿堂

廣報觀

在萬載縣西錦衣坊晉許旌陽香火道士涂道
開基名紫霄觀宋政和三年改為萬壽宮清康

元年更今名內有悟元樓明宣德五年道士涂隱真
重修邑人易節書額天順三年道士羅維鑑重修

耀靈觀

在萬載縣西奇園晉永嘉元年道士楊昌年開
基宋乾德三年道士孫德超重建明洪武七年

道士劉又雲建殿并修
混元經閣進士湯燮記

太和觀

在萬載縣北獅巖晉永嘉元年道士廖虛谷創
明洪武初重建後廢崇禎六年里人王事構書

舍于
遺址

九仙觀

在萬載縣治東建城坊唐太和六年創元道人
黃伯祥修真於此明正德間燬道士鄒冲應募

修

逍遙觀

在萬載縣北五雷山唐咸通二年道士陳若水開基元至正辛丑道士龍秋碧重建

靈應觀

在萬載縣北謝山謝仲初飛昇處山側舊有福昌院道士周與齡以仙蹟奏詔改今名明宣德

十年
重建

臨江府

百華寺

在府城東一里舊有百華臺相傳晉陶侃讀書處

天寧寺

在府學左店以前名興化成通中韋宙改建名鐵佛寺宋改今名紹興中更名報恩光孝禪寺

元至元間仍舊名明洪武間知府劉貞重建危素記
正統十年勅賜袈裟及藏經經燬袈裟勅書尚存今

為祝釐
道場

寶壽寺

在府城東北
唐貞觀間建

龍溪寺

在清江縣建安鄉
唐貞觀間建

荆山寺

在清江縣建安鄉一名四會寺
唐貞觀間建
明羅洪先題額尚存下臨羸湖其上有玉湖峯金

盆庵
諸勝

蓮花寺

在清江縣忠賢鄉
後晉天福間建

隱山寺

在清江縣三十都五代時建
初名菩提宋白玉蟾鍊丹于此因改今名

慧力寺

在府城南瀕江即唐歐陽處士宅
宋熙寧間建新喻章穎有記
後兵燬明洪武間重建時有僧

黃牛間召至京賦金陵春曉詩稱旨御
賜袈裟歸嘉靖間殿萬應間興復後祀

證真寺

在清江縣修德鄉明洪武初召寺僧劉空碧試
鍾山曉望詩稱旨賜玉帶袈裟歸僉事余鐸有

記碑

報恩寺

在清江縣金地坊為謝小娥立明弘
治十二年知府吳叙改為公館已廢

廣壽寺

在府城崇德坊右明嘉靖辛酉燬分守陳大
賓相其地占遷府學于此寺改建南門內

善林寺

在清江縣東門明萬歷三十
五年重修見新建張位記

迴龍寺

在府城東北五里江水東流至此稍
折寺當其衝故名明季正殿兵燬

寶金寺

在清江縣清江鎮有閣
名華光今為玉皇閣

大邑志

江西通志

三十七

石溪龍居院

在府學左即唐盧肇讀書臺裴休嘗為書額元末燬明洪武甲子重建

南峯禪院

在清江縣南二里內有銅鐘係五代時天祐三年鑄

東山永壽禪院

在清江縣東三里南唐保大中建額曰東山宋咸平中改今名

梵摩庵

在清江縣清江鎮內有白衣閣先是叅政熊化將謀建閣清江水浮災中忽得大士像因奉歸

建庵

元妙觀

在府學右晉建唐名三清元改今名明嘉靖十一年分守陳大賓以其有碍文廟改遷城東迎

恩橋北

玉虛觀

在清江縣棲梧山舊名淨觀係晉王長史宅長史仙去遂為觀南唐改名太平江文蔚記今名

玉虛舊有許真君祠久廢明崇禎十三年重修

崇真觀

在清江縣閭皂山隋以前名靈仙館唐改名閭皂觀南唐又名元都觀宋祥符中賜名景德政

和中賜今名易觀為宮崇寧淳祐間加賜大萬壽崇真宮後為兵燬今所存者惟八景壇基有碑記及詩

大元觀

在清江縣清江鎮相傳玉溪潛蛟為患許旌陽逐蛟至此拔茅封之溪遂淤塞故名封溪後立

觀鎮之

新興觀

在清江縣清江鎮舊名吳興吳楊氏建南唐改今額宋致和中王安石記

樟陰觀

在清江縣東里振湖內有古樟樹一株圍三大陰蔽一觀尚書謝諤扁曰古樟今名崇真觀

隆道觀

在清江縣修德鄉相傳吳猛遊息之地宋元祐中通守曾準記宣和中賜額一名吳堂觀

赤城觀

在清江縣東北四十里宋宣和中賜額里人廖敏記

崇道觀

在清江縣東水洲上舊名白仙宋宣和中賜今額

紫霞宮

在清江縣城隍廟左晉為紫霞堂元改為宮明正統間重修

朝天宮

在清江縣治北宋祥符間建元至大中賜額明永樂五年召道士張九淵周玉濂赴京修齋時

有青鸞白鶴翔空上
悅賜以壘書令尚存

重興寺

古建興寺在新淦縣治東為習儀所本
朝康熙五年知府王撫民重建改今額

法華寺

在新淦縣
西湖田

新興寺

新淦縣有二一在城東九源頭
傍有雙忠廟一在下安國鄉

雷塘寺

在新淦縣南塘頭傍有康王廟

耽源寺

在新淦縣南善政鄉一名保安寺明季寺圯金川驛丞劉祖鯨倡修

報恩寺

新淦縣有二一在縣治東洋湖一在湖橋頭洋峯

大和寺

在新淦縣東長坡

龍安寺

在新淦縣北八里文塔之左

殊山寺

在新淦縣東楓林宋勅建名安國

崇聖寺

在新淦縣吉巴川界宋建已廢一名溫泉寺周濂溪有序

登雲寺

在新淦縣蔣家坑



天王寺

在新淦縣西北張家坊
明嘉靖間燬後重修

新修寺

在新淦縣河埠宋岳
武穆征虔駐師于此

西禪寺

在新淦縣西界埠明末寺圯
本朝康熙辛亥知縣董謙吉重修

下北帝觀

在新淦縣治西北三十里晉永嘉時
建更有上北帝觀在善政鄉已廢

招仙觀

在新淦縣七里陂有許旌陽
煉丹井馬蹄劍痕留石上

劉仙觀

在新淦縣峯岡山有劉
仙人足跡夢有龍鍾庵

祥符觀

在新淦縣南阜氏門外操場
後宋大中祥符時建故名

龍安觀

在新淦縣北
一名寧極觀

寧真觀

在新淦縣
欽風鄉

崇慶寺

在新淦縣西門外隋大業中邑人唐興捨宅為寺因號唐興寺宋開寶中改為安和太平興國

五年賜今額元末兵燬明洪武三年重建崇禎間建武當行宮於其後寺圯

進賢寺

在新淦縣西北逍遙山下唐建久廢明萬厯間僧守心重修

藍塘寺

在新淦縣
百丈峯下

驛馬寺

在新淦縣東孤山宋淳熙元年僧白立庵通驛路故名

西華寺

在新淦縣蒙山之陽宋劉辰翁作記元學士元明善篆額明洪武初重建二十四年觀空住持

為叢
林

仙姑院

在新喻縣龍臺山後唐同光年間江水漂一木佛至此顯禪師取以開山立寺故名

黃陂院

在新喻縣東寶屏山下宋時移建殿基掘地得一小鐘有古篆小字三十六云

長藍院

在新喻縣東南泗溪舊傳寺自長藍飛來本朝順治間蕭時叙建禪堂於寺東

上明觀

在新喻縣北青鸞山下晉元康間許彭二真人建南山石工有石刻十四字傳是二仙所書

延真觀

在新喻縣東北山口晉元康間建後有龍頭石觀前溪中有拜章石左有獅子石其口出鹽今

失
去

西靈觀

在新喻縣西瑞仙山下晉永和八年建相傳呂純陽嘗遊此

翔雲觀

在新喻縣東龍仙山晉義熙二年建觀後有旌陽醮斗壇宋宣和四年賜今額

興元觀

在新喻縣西八百源晉建宋宣和二年賜額前有揖仙橋後有倒枝柏內有佑聖堂

洞真觀

在新喻縣南飛茅山隋大業中陳羅二真人上昇之日有仙茅東向飛舞五里而墜三日復生

鄉人即其地立觀
故初名曰仙茅

善應觀

在新喻縣南白石山陳羅二真人鍊丹于此唐武德中道士守一建立殿宇名曰白石宋宣和

問賜
今額

寶華觀

在新喻縣宜春門外五里後遷吉臺山之上唐貞觀中建宋宣和元年賜額

仙馭觀

在新喻縣東門外白鶴山宋宣和間建明正統間修今置道會司

蕭山寺

在峽江縣西鄉黃源南梁天監間侍郎蕭子雲結庵修煉之所有流觴曲水飲馬芳池海棠洞

楚越場煉丹井石
筍賭酒石諸勝

永興寺

在峽江縣東鄉地為唐練公所施去寺二里
許為三洲即練公宅詳羅文恭遊玉筍記

頂山寺

在峽江縣西鄉唐袁州大仰寺僧愛其山之幽
勝上復平衍有田里人王周佐以地施之宋渝

川謝謫胡昱嘗讀書其中明末寺圯
本朝康熙己酉知縣修國才捐俸重建

東平寺

在峽江縣西鄉唐仰山慧寂禪師住此明末僅
存佛殿本朝順治辛丑南嶽禪師本領復興

雙澗寺

在峽江縣西
鄉暮膳已廢

安靜寺

在峽江縣西鄉潭溪明洪武五
年增葺得一斷碑為謝良齋記

靈安寺

在峽江縣南門外
四顧臺下已廢

天長寺

在峽江縣西鄉距縣十五里明宣德間重建

乳峯寺

在峽江縣西鄉有飄花井

萬壽寺

在峽江縣城內明嘉靖五年峽江初置為縣無祝釐之所知府錢琦移靈安寺殿閣改建于此

崇禎

二年邑侍郎曾櫻修後圯本朝知縣顧孫佐聖修復

玉峽觀

在峽江縣南門外名峽江道院秦時建即今道會司

清真宮

在峽江縣梁柱元老與門人錢文詠來此修煉自大白峯飛昇天監中杜真人觀書石臺記元

虞集
有記

乘光觀

在峽江縣即郁木洞觀宇梁蕭子雲攜家隱此初名耀真觀宋大中祥符中改今名

集真觀

在峽江縣東鄉唐初有女道士危元麗楊道冲居此成道

落雲觀

在峽江縣東鄉姚文質修煉處宋靖康間改建雷祠明嘉靖癸丑移祠于山麓之左天啓間復

立為觀

開明觀

在峽江縣玉筍鄉覆箱峰之西孔真人壇及其居宅母墓在焉朱子有詩

承天宮

即梅子真故宅在峽江縣洞天山玉澗之上漢時為玉梁觀唐景雲中嘗遣使建醮祝釐于此

宋改為承天觀元至元二十六年詔加萬壽易為宮詳揭傒斯記

大秀宮

在峽江縣玉筍山麓其上有天王閣

江西通志卷一百十一

欽定四庫全書

江西通志卷一百十二

寺觀二

吉安府

東山祥符寺

東山在今府治南其名東山者仍其舊也
建自吳建興二年名東山禪寺宋大中祥

符元年改今名治平二年改額慈恩黃庭堅撰仁壽
塔記淳熙間僧雍熙併內羅漢院等以擴其寺劉辰
翁有記明洪武五年僧仍貫重建二十四年立為叢
林有湯長儒碑記後改為白鷺書院再改為縣學尋
復遷原所崇禎末雪藏居之復得與諸叢林並傳
本朝知府楊可楹增治殿堂廊廡乃鐫其像於石

崇恩寺

一曰天華院按鍾文所載又為寶安寺寺居府城西彌陀山吳赤烏間有罽羅尊者卓錫此地

寶安之名因尊者攜西城寶鏡一圓來也宋景祐間僧智洪重修德祐間悉毀本朝康熙丙午僧竹堂

重修

南塔寺

在廬陵縣水府廟之南內有塔其頂以赤烏記年

靈泉寺

在府城北十里螺子山有井甘冽因名宋歐陽守道有記本朝康熙三年寺僧海玉構藥師

堂香積廚稍復舊制

雪山寺

在府城東門外隋大業中四祖住城東祥符寺時被寇圍城七十日祖令城中禁屠誦佛時城

上天王出現賊懼而退城中患疫祖令誦佛如初時六月降雪民疾愈遂改今名明天啓間鄒南臯蕭拙

修以寺歲患水
浸改遷今所

永興寺

在廬陵縣安平鄉唐貞觀初為康國師勅建康善醫太宗召之醫疾即愈授以官不就歸隱本

寺賜紫衣有御製碑宋有僧元徽亦辟于朝疏請更寺基未許明年賜名長燈山罷歸號弘濟法師慶厯

中進士李
鑑記其事

祇陀寺

舊名白竺即聖隱山在廬陵縣雙江之間榮于唐貞觀間寺環十八塘

隆慶寺

在府城西二里許唐上元元年置仁山寺黃山谷記云吳順義中僧沖日築室于仁山初名廣

福院宋大中祥符間改隆慶院有羅漢堂元符中富商孟華所創東坡南遷為書八字榜元豐三年慶閑禪師弘法于此見蘇轍碑記宣和初更名德土院紹興十三年通判孫霖命僧秉雍新之王瀘溪為記元

季兵燬明洪武二十四年僧孟泰增修萬厯間廢
本朝順治十七年資國秀禪師始建祖堂康熙癸卯

守道施閏章清復
遺址僧維超募建

天賜寺

在廬陵縣七十七都唐儀鳳間僧
友雲建明洪武三年僧永壽重建

能仁寺

在廬陵縣西原山唐止觀降龍禪師道場也舊
有韓熙載撰碑侍郎王贊及劉辰翁重修記

青原淨居寺

在廬陵縣水東十五里七祖行思道場唐
景龍三年為蘭若天寶十年為寺會昌間

廢大中五年重創段成式有記宋治平三年賜額安
隱寺崇寧三年復舊名元末兵燬明洪武九年僧師
輩復修二十四年立為叢林嘉靖間紳士創會館
講學于此萬厯末遷會館於山之陽還其故地

本覺寺

在廬陵縣上市街南有塔唐開元時
建高二十仞歷風霜兵燹巋然猶存

大德寺

在廬陵縣教場後唐開元間僧祖真建號寂照山元僧淨觀修明洪武五年僧竹漢重修令塔

僅存

靈巖寺

在廬陵縣瑞慶山唐天寶間建明洪武三年僧德安重興崇禎初里人郭培懸張在田重葺

石林寺

在廬陵縣唐大厯間建本朝戊戌僧印重興

常田寺

在廬陵縣儒行鄉唐太和僧如兵開基宋治平間僧慧遠修明洪武七年僧度祥重建

再興寺

在廬陵縣平陂唐會昌間僧會明開創明洪武三年僧無盡重修

永寧寺

在廬陵縣吉唐橋唐會昌間僧友雲建明洪武三年僧崇德重建

多寶寺

在廬陵縣儒林鄉唐會昌間僧虛白建宋咸淳詠禪師重建明洪武十年僧興道重修

智度寺

在廬陵縣初于唐天復元年
名資福宋大中祥符賜今額

慧燈寺

在廬陵縣永和鎮唐天復二年僧灝開建元
延祐間僧嗣重修明洪武元年僧德泰重興

永樂寺

在廬陵縣葛田唐天祐間僧日成建明洪武五
年僧泰登重興本朝順治間僧知林建大士

閣

方廣寺

在廬陵縣華蓋山相近
初于唐宋周必大有記

香城山景德寺

在廬陵縣城隍廟右創于
唐咸于宋新于明永樂間

龍集寺

在廬陵縣河東唐僧言禪師建明洪武二年僧
了智重建正統甲子僧惠滿修太常少卿程南

雲書碑

本朝康熙

七年僧天如復修

慶源山善餘寺

在廬陵縣唐建
明永樂後屢修

鐵佛寺

在廬陵縣鐵佛橋畔有鐵佛三尊唐時所造
本朝順治丙戌燬于兵壬辰僧危言重建

大鵬寺

在廬陵縣二十都建自後唐
明季蕭司馬復建勅賜額

金地寺

在廬陵縣桐山本王該宅也吳順義元年有龍
見陂田間異僧至云指日是將為寺公寧遠去

該聽之至南唐保大中龍復
見遂為龍田寺後更令名

因果寺

在廬陵縣儒林鄉楊吳時有僧元感自浙江來
卜築其地明洪武間重建本朝順治丁亥僧

洞微
新之

西峯寶龍禪寺

在府城西南三里舊為藏經院南唐保
大六年改令名宋改祥符禪院明洪武

年重建

仍舊額

靖化寺

在廬陵縣左有哦松書院劉舒庵讀書處也明崇禎九年其後裔敬亭重修劉士禎為之記

恩褒覺報寺

在府城東門外三里宋時賜額明萬曆間僧寂從闕中來于此結大覺庵

報恩講寺

在府城東南舊名報恩禪寺宋崇寧三年改崇寧萬壽禪寺政和元年改報恩廣孝禪寺

紹興十二年改報恩光孝禪寺叅政董德元撰碑元初改今額蕭國安記明洪武三年僧昂霄重建已廢

益州寺

在府城甘泉門內宋宣和間應禪師自西蜀來結茅于此明洪武中歸併叢林永樂初僧益州

復興

龍須山資國院

在廬陵縣須山麓唐昭宗時勅建明嘉靖間廢本朝順治丙申眉庵僧秀重

興

明心院

在廬陵縣白沙宋開寶三年僧至明建天聖間仁宗賜御書大雄寶殿四字寶祐間賜額明心

之院元至正間僧正淨重修
明洪武二年僧天然重建

青又庵

在廬陵縣距水碓五里許見青原山墨歷記

嘉福觀

在府城南恭愛坊舊名王仙觀宋治平中賜令額道士劉無心修崇寧元年葛敏重修有記元

大德間道士陳搏鵬募修
明洪武十年重建已廢

永興觀

在廬陵縣南十都晉時有王臯居此名白鶴觀尋改永興觀永嘉二年臯道成昇舉詔改王仙

觀宋元祐初道士胡紫栗居之大觀改元復名永興

金少府人
元妙觀

在府城內晉建唐開元為紫極宮宋祥符改均慶觀天禧改天慶有劉侖碑元至元易今名已

廢

五嶽觀

在府城西永豐門外舊名黃真觀東晉問黃輔結廬于此宋祥符天禧問道士徐保寧新之治

平三年以星災詔保寧禱之有應真宗勅賜玉虛觀內有五嶽行宮熙寧三年產靈芝韋驥記隆興元年

袁富重

修有記

徊仙觀

一在府城內東隅已廢一在廬陵縣西宣化鄉後晉開運二年建宋紹定五年道士陳仙隱重

修明洪武

十年重建

真常觀

在廬陵縣來蕪坊吳孫權時有楊真人雲游至此禱雨靈應遂標竹為壇後禱無不應宋乾德

中尹抱元自玉筍山來廟地立觀後壇傾得石像肖楊真人乃建立殿堂治平中賜今額明洪武三年重

葺後改為金竹庵

清都觀

在廬陵縣南永和鎮南唐保大間有石基崇高號為西臺宋太平興國初道士蕭德元結宇于

臺早禱輒應賜額曰西臺觀治平中改今額建中靖國元年蘇軾為書清都臺三字明洪武辛未道士劉

元同重修

紫霄觀

在廬陵縣東山楊真人煉丹處宋治平甲辰玉筍山廖思閔創淳熙丁酉賜今額紹定壬午廢

天慶觀蕭蒼雪來此重興元泰定甲子燬毛丹隱彭廬堂協圖興復揭傒斯記之至正復燬明洪武初重建

松青觀

在廬陵縣南淳化鄉宋嘉定間道士袁巢雲開基元至元三年寇焚僅存殿堂至正間道士劉

弘道
重修

招仙觀

在廬陵縣永福鄉宋紹定間道士郭心逸開基元大德間道士朱無瑕修明洪武間道士李西

庚重
葺

永豐觀

在廬陵縣宣化鄉宋承忠郎胡謙請旨勅建元至正間道士石志堅復興明洪武十年重建

朝仙觀

在廬陵縣華蓋山相傳淳丘公控鶴而上約其弟子王郭二真人見此宋劉辰翁有重修記

嘉惠觀

在廬陵縣天華山元皇慶壬子道士易多福開基元統元年里人龍必富建玉皇閣

青華觀

在廬陵縣南坊鄉元延祐間安成壽昌觀道士張天全結宇于此一日有蓑衣仙邀之去不

從明洪武十七年道士朱
熙明重建劉敦信有記

高明宮

在府治演武場後真君山上元皇慶間里人林
浚梅懼往西山玉隆宮得許旌陽遺像歸於山

頂構祠為道院元季燬于兵邑人王仁
英興復明劉循然劉裕重葺見胡儼記

崇福寺

在泰和縣羅國吳赤
烏間建元至正重修

普覺寺

在泰和縣治東唐上元元年建舊有塔燬于火
宋治平二年勅令額元豐中有持真宗仁宗宸

翰三十軸到寺寺僧

楚金惠思建閣藏之

智林寺

在泰和縣治西北唐上元建宋治平三年勅令
額寺東有塔與地藏塔對峙宋宣和間建元延

祐五年六月現影于法堂未數日雷擊其心至正間
兩現影于民居明成化二十一年夏水入城塔遂傾

折嘉靖
中重建

護國寺

在泰和縣三顧山下唐上元元年建宋治平四年賜額

覺堂寺

在泰和縣五十二都唐上元建名報國院宋咸淳間改今額

古城寺

在泰和縣下睦即梁李遷任築城處唐上元間建宋治平間修葺

興福寺

在泰和縣江口唐上元中建元泰定中修葺傍有小塔相傳古道者習字於此人施以財不受

建塔
奉之

甘泉寺

在泰和縣甘竹唐會昌二年建宋治平三年賜額元大德間重修

方里寺

在泰和縣六都唐會昌六年建宋治平三年修明洪武間歸覺堂寺

三德寺

在泰和縣珠林唐會昌間建元至正二年修明萬厯間重修

茶山寺

在泰和縣山東唐會昌中建元至正三年修明宣德中寺僧日天同長老召見官左善世加號

國師

靈巖寺

在泰和縣忉塘唐咸通九年建元大德二年修

慈恩寺

即福星寺在泰和縣東唐乾符元年僧一定建宋祥符間賜額明嘉靖寺廢僅存普照院藏經

閣及快閣

金相寺

在泰和縣樸樹林後唐天成二年建宋治平間賜額元至正間修

金文寺

在泰和縣洞口唐天成間建宋治平三年勅賜今額

地藏寺

在泰和縣儒學右宋紹聖間建政和間修殿後有塔瘞佛牙舍利於內建炎兵火闌檻盡廢紹

興癸酉忽現影于東南幽室人以爲佛牙舍利光彩所發

殊山寺

在泰和縣長塘宋紹興間建

南豐院

在泰和縣高坪唐上元元年建元泰定三年修葺

紫桐院

在泰和縣蕩原後唐天成間建宋治平間賜令額宋末有邑士曾福可祝髮爲僧更名行滿北

遊遇元武宗仁宗授銀青榮祿大夫司空而院益有名詳見趙孟頫功德碑記後歸龍福寺

彰法院

在泰和縣高龍後唐天成間建宋治平三年勅賜令額明天順間修

臨江院

在泰和縣下堡唐天成間建宋治平三年賜額明洪武三年修葺

仁基聖院

在泰和縣八都唐建宋末圯元至正間張永年修楊楨有記

惠隆院

在泰和縣觀山宋治平三年建中有與軒黃庭堅留題元大德中修葺

隆福院

在泰和縣賄陂宋治平間建元至正間重修後歸清林寺相傳周必大徵時宿寺中曾與神人

遇相

清雲院

在泰和縣清涼山元至順間僧龍虎二師開基每以符水濟人鑿井投符聽人自汲旁塑關聖

之鎮

濟渡庵

泰和縣有二一在冠朝唐上元二年建明洪武三年修後歸南臺院一在龍洲上宋景定間建

懷仁渡蛟螭為害結庵鎮之後歸般若寺明嘉靖間劉應授重修為記

首山庵

在泰和縣西明太常寺卿蕭士瑋靜室從子伯升闢為禪林西有陶庵建大士閣丹霞澹歸記

崇道觀

泰和縣有二一在龕村吳赤烏間建宋治平中賜額明洪武初重建一在覺海橋唐貞元建元

修正

太和觀

在泰和縣沙里晉永嘉二年建元至正間修明洪武間重建

迎仙觀

在泰和縣茶村王郭二真人煉丹處隋仁壽四年建明洪武二十二年重建

崇元觀

在泰和縣玉山洞口唐上元二年建觀後有王匡二仙上昇之所明洪武三十年重新

延真觀

在泰和縣西黃茅岡相傳晉永嘉中王子瑤築壇于此白鶴翔集唐弘道間立白鶴觀宋至道

間改名洞虛治平間改今名內有紫薇閣明梁潛記文昌閣王真記成化九年建玉皇閣後災復建

羅仙觀

在泰和縣楊村唐高宗時建元大德間修明永樂成化間相繼修葺

太元觀

在泰和縣北龍門唐建牛僧孺有記元季兵燹明洪武二十一年新之

太虛觀

在泰和縣三十一都唐天祐五年道士易時習開基元大德間修

南岡寺

在吉水縣東古孝義寺唐寶曆三年性空禪師創宋紹聖中黃庭堅延青原山惟信禪師主法

席

本朝康熙辛酉僧獨立重修

歸福寺

在吉水縣六十都唐利明末地本朝康熙己酉僧舒光重建

龍濟寺

在吉水縣治東南踞東山第一峯後唐修禪師開基本朝初年邑人李元鼎倡修

龍華寺

在吉水縣南坊有元寂禪師墓南唐韓熙載撰碑明永樂時重建崇禎戊辰僧元宗修本朝

康熙辛亥僧
梅逢重葺

悟空寺

在吉水縣同水鄉
宋文天祥題額

寶積寺

在吉水縣東百五
十里宋靖康間建

周嶺寺

在吉水縣一作洲嶺寺
明洪武間僧寶重創

大雲寺

在吉水縣明邑人鄒
元標毛伯溫有詩

南禪寺

在吉水縣同水鄉
鄉僧幻影重建

禪悅寺

在吉水縣同水鄉明
劉文襄為釋顏愚建

濟渡庵

在吉水縣宋景祐間駙馬都尉張
冥淑建明正德間重建徐穆記

淨名庵

在吉水縣六十二都明劉孟欽兄弟建為藏神宗勅賜書

鹿苑庵

在吉水縣同水谷村鄒元標書南樓扁額

般若庵

在吉水縣東山般若禪師開法于此明羅洪先讀書庵內作記

崇道觀

在吉水縣治北吳赤烏間有人攜瓢笠來遊一日以笠覆瓢去賜額招仙宋改今名明永樂重

修胡廣記

崇元觀

在吉水縣北五十里許旌陽遜蛟于此治鐵鎮之呼為元潭觀

朱陵觀

在吉水縣南八十里隋名洞巖唐賜今額

集虛觀

在吉水縣北八十里舊傳楊真人于此冲舉明永樂初重建

玉虛觀

在吉水縣同水谷村明羅洪先嘗講學于此

隱居寺

在永豐縣西坊吳赤烏二年金陵靈谷寺僧紹曇建精舍宋淳熙二年邑人伍順祕建寺元廢明

洪武二年僧可山重建天順己卯增修嘉靖己亥改為祝聖之所崇禎己巳僧繼思重修

永寧寺

在永豐縣一都唐貞觀二年僧絕關創宋崇寧間修明洪武間重建萬厯中改為風雲雷雨壇

興福寺

在永豐縣一都唐貞觀二年僧紫老禪師瓶宋咸淳間僧若愚修明洪武間僧如淵重建二十

四年立為叢林正統十一年修葺佛殿及閣

西巖寺

在永豐縣遷鶯鄉唐貞觀二年僧鶴庭瓶本朝康熙元年復建

明禪寺

在永豐縣興平鄉唐貞觀二年僧白眉創宋紹興遷縣東元大德間復移舊所明洪武間僧靈

源重

報恩寺

在永豐縣西坊唐天寶間侍郎徐安貞母侯氏墓于此以故宅為寺元廢明洪武二年其裔孫

建塔寺右弘治八年重修郎中傅韶記萬曆二十一年再修

延慶寺

在永豐縣北坊舊名福田山僧法宣開基宋董德元記後水衝壞元至大間僧惟道重建明洪

武二年邑人劉仲謙徙建東坊更今名正統間其孫務道重修崇禎辛巳復新之

香嚴禪寺

在永豐縣興平鄉元至大間智閑禪師開基明洪武十八年僧茂林重興二十四年立為

叢林

北塔寺

在永豐縣龍雲鄉元至正間下西坊羅巖叔捨建明弘治間羅伯端等增修

廣濟院

在永豐縣龍雲鄉唐武德元年塘塘張宣義捨地建明正統間張照等重修

慈光院

在永豐縣遷鶯鄉唐貞觀元年僧法宣勸宋大中祥符間僧迪吉修明洪武五年僧本興復建

龍回院

在永豐縣興平鄉舊名再興唐貞觀二年僧牛閑勸宋紹興間僧先覺修明洪武五年僧慧明

復建

廣惠院

在永豐縣遷鶯鄉舊名新興唐貞觀二年僧友雲勸宋景定間僧惠觀修明洪武六年僧奇峯

復建

圓果院

在永豐縣龍雲鄉唐貞觀二年僧法寧勸宋僧嘉惠修明洪武五年僧悅初重建

慈濟庵

在永豐縣龍雲鄉元至元間道人李景原勸明洪武二十八年道人劉普興重建

梅溪觀

在永豐縣永豐鄉吳赤烏元年道士曾楊庵創
宋建隆初張靖虛修明洪武六年宋守元重建

沖虛觀

在永豐縣龍雲鄉舊名丹元觀吳赤烏二年道士
高宜霄創世傳葛仙翁煉丹于此舊志云唐

曹國夫人施財建改今額宋崇寧間道士楊如元修
明洪武九年道士江漢川重建永樂間艾岳仙等修

泰和觀

在永豐縣遷鶯鄉吳赤烏間道士丁弘德建宋
建隆間陳悟元修明洪武二年黃棲碧重建

靈集觀

在永豐縣龍雲鄉葛仙翁煉丹之所舊名奉仙
觀唐天祐間劉守中修宋皇祐間呂沖霞重修

明洪武八年道士
劉益真重建

沖道觀

在永豐縣水南初名道安觀南唐保大二年邑
人戴鎬禮勅宋紹興改今名明洪武初尹文舉

重建

中華山觀

在永豐縣興平鄉宋至和二年道士聶洞中創明洪武十年陳白雲重建

龍華山觀

在永豐縣永豐鄉元皇慶二年道士劉雅辰創至元間陳岫雲修後廢明洪武元年羅奎

章重建

西陽宮

在永豐縣永豐鄉舊為觀以避歐陽文忠父諱改為宮後有文忠祠宋元以來屢加修葺

尊勝寺

在安福縣治西唐僧慧建明洪武間立為叢林院六曰崇福曰重興曰南臺曰延福曰白雲

曰瓦棺李時勉有碑記

古靈泉寺

在安福縣治南六十里僧千月復興

古蓮山寺

在安福縣治北四十里右有嘯月臺石門瀑布昔破也徹和尚闢地獲古鑑巨礫詢之父

老知為舊刹
後成叢林

國清院

在安福縣治東唐建舊名福聖院唐仙女吳彩鸞種羅漢柏于內嘗入小室閉坐七日寫法華

珠林經一百二十卷一夕不知所在
紙連處至今不絕故又名神仙院

靈峰院

在安福縣治南唐僧德建宋楊萬里有記統院十曰招仙曰麻仙曰興崇曰厚達曰重興曰甘

泉曰地藏曰石泉
曰新興曰南泉

香積院

在安福縣永嘉鄉唐僧瑞建統院十曰臨河明正德間僧光華修曰華嚴明宣德間掘得銅鏡

銅鈴至今猶存曰栖真在天臺山下曰崇福在寥塘明王學夔有碑記曰因果曰廣明曰南山曰貝陽曰

臨江曰
五峯

文江院

在安福縣唐僧順建統院十曰集雲曰行宮曰圖坪曰尊慈曰靈壽曰嚴塘曰長慶曰龍果俱

不詳年代曰白雲僧白

雲建曰九龍僧寧州建

白竺院

在安福縣唐僧文建統院五曰敬仰曰度門曰頂泉曰高臺曰定光

富池院

在安福縣唐僧琛建統院八曰寶雲曰樂讀曰廣教曰水南曰資臨曰白雲曰梅溪曰月山

保安院

在安福縣宋僧爽建統院九曰待度楊萬里有詩曰資福唐勅建曰因果曰長慶曰陽止曰南

禪曰福曰曰

永興曰長壽

寶珠院

在安福縣宋僧義建統院八曰嶽興曰百福曰常樂曰東華曰廣恩曰寶乘曰石雲曰東山

心庵

在安福縣城東僧煥然建

洞淵延真觀

在安福縣北門外宋時有異人自福建來以符藥療民病民感其惠立洞淵閣歐陽

原功有記人云晉劉悟真建統觀六曰魏仙
沖虛曰洞虛曰壽昌曰崇真曰祈仙曰上城

東林觀

在安福縣唐姚虛建統觀六曰清風曰延真曰
拱北壇曰神風閣曰天乙曰洞仙呂巖過此有

詩

上城觀

在安福縣宋羅善同創統觀五曰北真在縣南
五十里宋胡銓元劉霖有記今名飛巾閣見古

蹟曰元陽唐勅建曰迎仙曰
廣福曰九真俱不詳年代

資教寺

在龍泉縣七都宋嘉祐五年重修蕭
佐有記明正統十二年又修蕭鑑記

法濟院

舊名南臺在龍泉縣六廂宋祥符間僧妙有開
基治平二年賜額明洪武初重建本朝康熙

十年
修

景雲觀

原名寶臺在龍泉縣五都唐貞觀間道士本說開基宋治平二年道士郭守忠重建改今名明

洪武二年道士李洞觀修二十四年歸併
龍吟觀永樂九年道會羅廣陵重建正殿

沖道觀

在龍泉縣二都唐末道士李伯松開基宋紹興元年道士朱貴常修明洪武三年道士肅拱圖

重修二十四年歸併龍吟觀
正統十一年謝子寬重新

秦霄觀

在龍泉縣六廟宋初在三都新林淳祐七年移于縣東銀山景定元年邑令陳昇建梓潼祠文

天祥為記元至元五年兵燬明洪武三年道士羅如泉改建今所二十四年歸併龍吟觀宣德三年道士

王肇倫
募修

龍吟觀

在龍泉縣百戶所東宋慶元六年侍郎孫達吉創元至正兵燬明洪武間道會蕭九和重建廬

陵謝矩記

紫陽觀

在龍泉縣十二都宋咸淳二年郭忠臣建扁曰崇真道觀元延祐改今名至正十八年道士郭

舟泉等重修明洪武二十四年歸併龍吟觀宣德五年道士尹務元募葺祭酒蕭鑑記

定慧寺

在萬安縣射洲唐建後止存荒殿赤烏年所鑄鐘

圓通寺

在萬安縣龍泉鄉唐開元間創

白雲寺

在萬安縣永和鄉創于唐寺有紅白二塔紅者忽一夕飛去寺後一石穴每日吐鹽以供寺僧

僧鑿穴遂流沙而鹽絕後改為書院朱子來遊榜曰雲興書社明洪武間修之已廢

賢居寺

在萬安縣古道場地旁有龜涑泉僧杯渡過飲嘆曰泉有翰墨香後當有大賢居此因易名

海智寺

在萬安縣龍泉鄉宋至和時建

定明寺

在萬安縣誠信鄉宋紹興年建謝撰有記

清泉寺

萬安縣有二一在永和鄉宋嘉定年創一在誠信鄉不詳所始

智勝寺

在萬安縣黃塘巖舊名通天石室宋嘉定時勅建本朝康熙四年僧超客退隱石鼓洞知縣

胡樞
重建

南臺寺

在萬安縣龍泉鄉宋嘉定時創

三惠寺

在萬安縣梁口宋嘉定時建文天祥起兵勤王次寺內大書都督行府于門一夕雷電交作晨

見府字塗抹止存都督行三字丞相遂覺勒兵他往次日元兵突至

芙蓉寺

在萬安縣芙蓉門內

太平寺

在萬安縣治北

迎雲庵

在萬安縣明嘉靖舉人郭鼎忠創為書院後改為庵本朝康熙三年知縣胡樞重修

精修觀

在萬安縣治北大橋側唐開元間道士李善珪創宋宣和初元陽趙真人嘗息其中後元陽尸

解其徒劉淵然亦以道顯明永樂中封長春真人

集真觀

在萬安縣龍泉鄉唐道士蕭道成創

佑聖觀

在萬安縣永和鄉宋道士曾務實建

欽定四庫全書

江西通志

十七

東華觀

在萬安縣永和鄉元道士許月評建明洪武巾寇至道士彭九萬禱雷神禦之寇不敢燬學士

錢習禮記

本朝康熙

間知縣馬之驊重修

隱真道院

在萬安縣誠信鄉元道士詹存玉募建

松林寺

在永新縣北二十里吳赤烏間創本朝康熙已未僧妙印重建

禾山寺

在永新縣西四十里舊名甘露寺內有三相堂宋司業龔源有記寺廢已久本朝康熙間僧

開一
重建

東山寺

在永新縣治東宋太平興國年建明洪武間僧無詰非空重建嘉靖間建千佛閣今為僧會司

梅田寺

在永新縣東二十里

廣果寺

在永新縣南三十里尹日中復修

半星寺

在永新縣南十里即古正覺院久廢復建于半星峯之下遂改今名

梵慧院

在永新縣南一里有毛炳讀書臺

尚山庵

在永新縣梁慈雲禪師道場後僧德樹復興邑人龍科實為刻尚山志

雲龍庵

在永新縣東五里驕崗下即古龍迴庵

高峯庵

在永新縣東義山小崗明宗伯尹臺建釋受峯所居本朝初釋宗忍說法于此

昊天觀

在永新縣城內東街二聶真人道場今尚存石符碑

元陽觀

在永新縣西九十里唐相姚崇嘗讀書其中傍有書臺嶺元提舉李祈因託隱焉

紫霄觀

在永新縣南山元大德間邑人劉南可建屏山書院後改為觀

東華觀

在永新縣東一里元李道士文月堂當結庵其土州判薛均用為創樓觀居之

北華觀

在永新縣東三十里觀前有中州渡明永樂間大社劉凝碧施田入觀收其息造船以濟

端威觀

在永新縣東一里明初劉定之讀書其中後有斗室升虛閣等記萬厯間道士張宗洋重修

青銅寺

在永寧縣西十五里唐貞觀間僧智方開基元大德間僧明空修

月溪寺

在永寧縣東二十里唐中和二年僧譽武開基明洪武七年僧迪修

游撫寺

在永寧縣西四十里宋紹興二年僧志遠開基明洪武七年僧如心修

彰聖寺

在永寧縣西南七里宋謝彥昇運糧二十萬赴黃州接濟軍儲諸鎮資其食者以事聞寧宗召

見稱賞不已授行軍總管因
辭弗就厚賜金帛勅建寺

大益寺

在永寧縣西南三十里宋淳祐間僧碧潭開基元至正修

永福禪寺

在永寧縣與迴碧亭相峙為縣之水口本朝康熙丁丑知縣戴振河捐建

曲觀院

在永寧縣南四十里宋政和元年僧懷闔開基明洪武四年僧心重建本朝康熙壬戌修葺

蓮花院

在永寧縣西南二十五里宋紹興間青原僧元過皮江夜聞數里外有鐘鼓聲明旦往視之見

陸地生白蓮二朵遂建寺名蓮花明洪武十一年僧見源修

漁龍庵

在永寧縣西北三十餘里宋時寺中有一僧族姓顏者能飛身往來召至京師歷試其術有驗

賜勅回籍卒葬寺後寺圯改建為庵祈禳者詣之輒驗明崇禎進士謝上舉重建

永福庵

在永寧縣西北七鄉嶺青雲塢嶺上下十五里崎嶇峻峻行者苦之康熙乙亥知縣戴振河闢

除築庵建思善亭于其左買田膳僧施茶

金溪觀

在永寧縣東七里宋慶厯間永新吳天觀道士二聶創明洪武六年修本朝康熙庚申重修

龍溪觀

在永寧縣西南四十里宋淳熙間道士龍起庵創元至正間道士譚碧梧修

白雲觀

在永寧縣南十里元延祐間道士吳守素創

撫州府

寶應寺

在府城西隅有謝靈運翻經臺唐顏真卿白居易有記今為邑儒學

明水寺

在臨川縣盡安鄉唐建有十里松風九里蓮池之勝

天寧萬壽寺

在府治東楊吳時建寺有一滴泉宋王安石有詩

廣壽寺

在府城東隅古永安寺後改今名規制弘敞亂後止存正殿今後殿皆僧仙源募建

北景德寺

在府治東北有應夢閣羅漢靈跡宋曾鞏王安石俱有記

南禪寺

在府城東隅已廢為營房

寶雲寺

在府城東隅即五通寺相傳朱井在焉

仰山寺

在府城西隅有雲濟塔院僧仙源重修碑存

北禪寺

在府城北隅有潮音閣

多福寺

在府城南金谿街宋建

正覺寺

在臨川縣港東廂寺前舊有湖
通文昌橋有釋龍軒今尚存

上橋寺

在臨川縣
外東廂

下橋寺

在臨川縣外東廂傍有蔡景繁
祠後廢明萬厯間改崇儒書院

城西寺

在臨川縣外西
廂有羅漢石

廣福寺

在臨川縣明湯顯
祖有復寺田記畧

因果院

在府城南隅宋
晏殊有佛殿記

魁塔庵

在臨川縣招賢鄉
明蔡邦俊有記

祥符觀

在臨川縣擬峴臺側隋創南唐昇元間甘露降
于仙壇松上因改甘露觀宋大中祥符重建更

名 今

元妙觀

在府治西北隋
建元改今名

魏壇觀

在臨川縣外南廂有魏夫
人煉丹井唐顏真卿有記

明真觀

在臨川縣靈壽鄉即
井山觀有華姑仙壇

洞靈觀

在府治西六里魏夫人壇唐睿宗命道
士葉法善醮祭于壇西建此觀奉之

會仙觀

在臨川縣盞安鄉即仙
桂峯明饒昌肩有記

永興觀

在臨川縣筆架山宋白
玉蟾居處有倒栽古松

梅仙觀

在府城東北六十里世傳漢
梅福寓此宋白玉蟾有詩

欽定四庫全書



江西通志
卷一百十二

三

靈仙觀

在臨川縣崇德鄉危驪祠在馬宋董若誼有詩

松林寺

在崇仁縣治東五里晉建太康中賜額曰瑞相寺唐咸通中邑令王仁智感大士靈異改名圓

通寺懷忠祿師駐焉宋紹定時有西湖天竺僧驚峯來見喬松古餘羅織如成改今額至理宗時廓寺置

田內有八景

龍城寺

在崇仁縣長安鄉唐咸亨元年僧月溪建

蟠龍寺

在崇仁縣青雲鄉唐開元五年建

普安寺

在崇仁縣山川壇左唐貞元二年僧勲建一名地藏普安南唐時邑人鄧進兄弟重建縣尉任

光有記

大華藏寺

在崇仁縣水次舍右唐舊名光度宋祥符間改賜今額內析為六院中曰報恩左曰羅漢

天王右曰地藏泗洲澄心建炎燬邑人羅敏德新之建州通判趙勸之邑令時季照皆有記

資福寺

崇仁縣有三一在河亭港側唐建一在惠安鄉古精舍燬于黃巢咸通五年重建一在額秀鄉

咸通六年僧無望建

岐源寺

在崇仁縣青雲鄉唐建宋淳熙中僧了因了印新之

芙蓉寺

在崇仁縣崇仁鄉唐建江陵錄叅曾光有記南唐保大間僧性軒重建

龍安寺

在崇仁縣長安鄉唐建宋慶厯中重建淳熙中復修尚書何異有記已廢

後山寺

在崇仁縣禮賢鄉宋皇祐間建元時修宣州劉遷有記已廢

大興寺

在崇仁縣禮賢鄉舊有喬松華蓋仙人總此賦十八公詩後人勒之石宋靖康中額曰再興觀

明崇禎間僧恒沙等大起叢林知縣謝膺璜題令額周廷贊有記

東林寺

在崇仁縣朝天門內宋建額曰虎溪侍郎樂史讀書之所嘉祐八年重建紹興中革律為禪未

幾復

西林寺

在崇仁縣巴陵門外宋黃祥道施地秘湏槃堂乾道中改令額明洪武戊寅書記謙自牧重興

謝濟有記

清溪寺

在崇仁縣青雲鄉宋乾道中里人表休重建陳鑑有記已廢

仰山寺

在崇仁縣南阜山石本孚惠昭烈行宮宋淳熙間請令額宜春尉羅熾記宋末趙園令新之邑

人吳湜記明
嘉靖初重葺

新慧寺

在崇仁縣禮賢鄉舊名仙會明
李知縣謝肩瑄改今額有記

地藏寺

在崇仁縣長安鄉上塔古白沙
寺明嘉靖丙寅僧心源恒明建

萬壽寺

在崇仁縣青雲鄉松林僧湛明開山明
里人曹文任重建知縣謝肩瑄題額

普濟寺

在崇仁縣譚橋右元大德間宜黃萬壽寺廣惠
禪師領劄住持後廢延祐庚申地藏寺僧普無

外重建明宣德間
增修邑人謝濟記

布水庵

在崇仁縣崇仁鄉游坊
元吳草廬嘗隱于此

善修觀

在崇仁縣西南晉元康間建初名永崇宋宣和
間賜令額王沆有記開禧間創藏經閣徐天麟

記已
廢

潛惠觀

在崇仁縣穎秀鄉唐咸亨二年李管轄建相傳彭抗鍊丹之所

玉清觀

在崇仁縣道堂嶺唐景雲中建名景雲觀宋祥符間易今額明洪武末道士傅自誠重建

開元觀

在崇仁縣恭華山初浮丘王郭三仙之祠唐開元賜額明洪武間吳用高與其子問學相繼修葺

葺

崇仙觀

在崇仁縣華蓋山舊名橋仙觀有唐顏魯公碑

興樂觀

在崇仁縣穎秀鄉唐太和二年建後廢宋淳熙丙午司封吳鑑重建

無為觀

舊在崇仁縣諱陂橋宋宣和間改義興觀謝公旦築書室其側遂徙觀于東者小港上明洪武

初改
社學

寶臺觀

在崇仁縣禮賢鄉又名龍亭宋建明宣德間道士楊紹祖修復吳敬莊書重興碑已廢

昭清觀

在崇仁縣長安鄉元吳草廬有記明嘉靖三年改吳康齋祠

軍峯宮

在崇仁縣東南門外明萬厯丁未方紹華等建邑人吳道南有記

東巖寺

在金谿縣歸德鄉雲谷山前唐馬祖開基

翠雲禪寺

在金谿縣南四里始為僧舍唐大中時僧惠林開基宋嘉祐中革律為禪賜今名後廢慶

元間僧妙贊復興陸九淵棲鏈有記元至正間僧繼灝重修明蔡邦俊有寺志序

鳴山寺

金谿縣有二一在鳴山唐建一在順政鄉

疎山寺

在金谿縣西北五十里唐何仙舟隱此中和間始建明尚書吳悌施香火田中有崇儒祠祀疎

山先生

石門寺

在金谿縣順政鄉唐馬祖始居于此明王英有記

後賽院

在金谿縣順德鄉唐建元至元二十五年比蔣坊寺僧道隆主之居五十年院復興危素有置

記四

城陂院

在金谿縣靈谷山東唐建宋慶厯間修王安石為記其祖衛尉墓在馬施田屬寺僧守之

奧源院

在金谿縣鴈鵠岡唐元和中神僧結茅于此後虞禪師居之漸成巨剎元末燬東曉大師與其

徒行真協力復興明宋濂有記

香林院

在金谿縣順政鄉
宋張尚英有記

永興院

在金谿縣延福鄉
宋周袞有記

鎮溪院

在金谿縣歸政鄉
明萬曆壬子荒坵沙漲成堆
衆因形勝為樓祀許仙丙子饑衆置義倉于此

儲賑

尚書胡忠端記
本朝順治六年
年復于院之右作文昌樓顏曰粹雲

翠微觀

在金谿縣順政鄉
唐天寶間名谷林觀
宋宣和元年賜今額元泰定二年新之揭傒斯有記明

初復修

望仙觀

在金谿縣南

顯陽寺

在宜黃縣北水東
晉建後廢宋曾元逢重建

欽定四庫全書

江西通志

白土寺

在宜黃縣待賢鄉牯子隋唐普慧慈應禪師道場宋慶元己未僧德元創霍照堂嘉定阜末僧

文詰牂聯奎閣藏隆
興慶元兩朝勅書

義泉寺

舊在宜黃縣上源鄒度支請額徙于石砦唐成一施田創建馬祖結庵處也久廢明萬厯間寺

僧智鄒重創殿宇
建藏經閣及法堂

鍾臺寺

在宜黃縣待賢鄉唐太和中建宋至道乙未僧法華修有記

妙覺寺

在宜黃縣待賢鄉唐建本朝順治乙未重興

雲峯寺

在宜黃縣崇賢鄉唐會昌廢先啓初樂璵重建宋至道景德間僧塢真修

雙峯寺

在宜黃縣仙桂鄉唐咸通中創宋慶厯中建三佛正殿陳滋記

雲門寺

在宜黃縣崇賢鄉唐乾符間建宋天聖中僧義宗重建邑令林喬記

黃山寺

在宜黃縣崇賢鄉本名唐濟寺唐景福二年建宋祥符二年改如意

寶積寺

在宜黃縣仙桂鄉即曹山本名荷玉觀唐光化二年建宋祥符元年改今名

湖山寺

在宜黃縣仙桂鄉舊名藥師寺唐天祐中節度使羅賢施田創興并建水閣立僧堂宋嘉祐八

年重建

慈雲寺

在宜黃縣仙桂鄉南唐保大間建宋紹定中寇毀僧宗可惟立重建淳祐壬寅僉判陳夢瑛記

上傳寺

在宜黃縣崇賢鄉宋紹興庚申僧希誠塑大阿羅漢又為輪藏貯四大部經陸容記

普光寺

在宜黃縣仙桂鄉一名芭蕉寺元歐陽才立施田初建羅近溪有芭蕉境三字周青來有記

夏處寺

在宜黃縣仙桂鄉即臺山寺必蕩宗環始建

苦竹院

在宜黃縣崇賢鄉唐天祐中建宋乾道中悟雲修并建法堂浮梁令劉世記

鹿投院

在宜黃縣仙桂鄉唐天祐中創宋太平興國六年修元祐中新之魯定國記

龍巖觀

即妙常觀在宜黃縣崇賢鄉漢李洞仙修煉飛舉之地唐大厯中御史陳高功修建宋宣和間

賜額

仙源觀

在宜黃縣待賢鄉宋理宗時里人鄒明善創元虞集有記

崇仙觀

在宜黃縣東宋建

幽巖寺

在樂安縣雲蓋鄉唐貞觀元年建

蜀源寺

在樂安縣雲蓋鄉
唐貞觀二年建

黃龍寺

在樂安縣樂安鄉
貞觀二年建已廢

南曹寺

在樂安縣雲蓋鄉
顯慶五年建已廢

光度寺

在樂安縣天授鄉
龍朔四年建已廢

臨江寺

在樂安縣東門外
唐永昌元年建

鑑源寺

在樂安縣忠義鄉
永昌元年建已廢

雲水寺

在樂安縣雲蓋鄉
天寶元年建已廢

西隱寺

樂安縣有二一在天授鄉
唐天寶二年建已廢
一在雲蓋鄉宋紹興二年建

觀性寺

在樂安縣雲蓋鄉宋乾德五年建內有滴滴金花宋建炎間孟太后幸此題絕句一首

龍回寺

在樂安縣樂安鄉宋太平興國八年建曾艇齋謝良齋有詩

祿源寺

在樂安縣北宋建

息庵

在樂安縣東隅杏村胡善弘建即舊壽明庵邑令方湛有記

玉庭觀

在樂安縣雲蓋鄉晉元康三年建

玉仙觀

在樂安縣樂安鄉晉泰寧二年建

仙遊觀

在樂安縣雲蓋鄉唐垂拱二年建

招仙觀

在樂安縣南門外宋紹興二年建

厚山寺

在東鄉縣移風鄉有後唐二碑

太和寺

在東鄉縣移風鄉內有同根紅白梅

東山寺

在東鄉縣遵化鄉僧印天建

乾元寺

在東鄉縣延壽鄉宋黃山谷有書院

羅首寺

在東鄉縣長壽鄉

建福寺

在東鄉縣長壽鄉本朝康熙丙申年姜昂昇重建

西隱寺

東鄉縣有二一在安寧鄉一在延壽鄉

會龍庵

在東鄉縣內有泉甚佳

望仙觀

在東鄉縣延壽鄉內
有許吳二真君祠

清溪觀

在東鄉縣吳鳳岡吳丹所居旁
有池產神物劉長卿夜宿有詩

建昌府

景德寺

在府治東舊名景雲唐白居易記宋李觀有重
修殿閣記明弘治間改闢益藩府一徙麻洲一

徙水
尾

淨土寺

在府城東郭外
宋劉扶有詩

覺海寺

在南城縣東四十五里宋金紫光祿大
夫鄧某施香火田其九世孫鍊有碑記

靈峯寺

在南城縣東南從姑山嶺宋紹聖初有僧遇早
曝身巖上雨澤霑足因榜曰秋澤巖元符中道

者周智方又至巖中禱應如響向有靈峯寺久廢因移是額以名之又五十三都亦有靈峯寺比從姑更

幽邃

興福寺

在南城縣西南四十里宋曾致堯有詩明萬厯中僧印徧重建本朝丙申燬僧朽錯與住持

性谷
興復

雲門寺

在南城縣西麻源第三谷宋張致遠有詩

章山永壽禪寺

在南城縣北五里宋蔣之奇有詩

太平興國禪寺

舊在南城縣治南明徙城東二里宋李觀有太平浴室記

慧光寺

在南城縣北六十五都宋李山甫有詩

崇覺寺

在南城縣東梓木
山宋李觀撰記

化成寺

在南城縣東北舊名
新城院宋李觀有記

天寧寺

舊在府城朝天門外石橋之東
明弘治間徙東門淨土寺之左

圭峯寺

在南城縣東四
里一名萬歲寺

慶龍寺

在南城縣西南七十
五里明羅文肅重修

大仁寺

在南城縣東七十里右有
靜室名塔山俱余裳所建

六祖院

在南城縣
西五里

碧濤庵

在南城縣麻姑山
上邑令苗蕃建

廣度庵

在府城鳳凰山下苾芻庵在芙蓉山下俱明季益藩建

元妙觀

在府城內西南舊名靈仙唐鄧紫陽棲真地宋名天慶觀元改今名

石崇觀

在南城縣西五里唐建宋改冲虛後復今額

麻姑山仙都觀

在南城縣西南十里唐顏真卿有仙壇記宋曾鞏有三門記

丹霞觀

在南城縣南麻姑山西七里

修仁觀

在南城縣南三十里

萬壽峯元和道院

在南城縣西南十五里吳毅有記

天一真慶宮

在南城縣麻姑山仙都觀右其廢已久明萬曆庚戌知府鄔鳴雷推官陸鍵同捐建

壽昌寺

南豐縣有二一在西隅魁星坊舊名永安寺唐武德二年創圓覺真如二禪師講法處宋咸淳

中里人張友聞復興明洪武二十四年歸併西林等寺為叢林嘉靖二年重建一在白田去縣東二十里

宋嘉定

五年建

保國寺

在南豐縣東二十里即兜山寺唐開元二年建久廢

慈雲寺

在南豐縣西二十里舊名齊雲寺潘禪師居之唐開元四年建宋治平賜今額曾致堯有院記

已廢

東林寺

南豐縣有二一在縣南七十里唐開元建久廢一在太平岡去縣五里唐開元十五年建為謝

禪師
道場

清涼寺

在南豐縣西北二十五里唐開元間建舊名梓溪為曹山證禪師駐錫處後為饒禪師道場

西林寺

南豐縣有二一在縣西七十里唐開元十三年建一在北門外去城里許唐會昌二年建牛僧

孺書額宋紹定咸淳後先修葺元大德明正德間又修嘉靖間寇亂惟此寺獨存

資福寺

南豐縣有二一在縣南六十里唐開元中建一在東門外唐咸通二年建舊藏南唐勅賜金書

法華經七卷寺有翠光亭靜觀軒宋嘉定俱圯於水元大德初佛殿又圯因稍遷而北明洪武歸併法興等三十寺

為叢林

崇覺寺

在南豐縣東南源頭舊名禪祖寺唐會昌二年建宋紹聖元年曾布奏請為功德院以祠其先

因賜額崇覺報慈禪院崇寧四年改寺寧大觀四年復舊額後乃改禪為律

覺源寺

在南豐縣東六十里唐天祐二年
建舊名桃花源宋治平中賜今額

保福寺

在南豐縣東門外南唐保大八年建宋治平中
賜今額北倚烏石岡趙崇大書烏石山三字表

其門元大德元年圯于水明洪武十七年構大殿于
故址二十四年歸併福慧等十二寺為叢林復燬永

樂十一年建大殿增修講堂本朝康熙
二十四年知縣鄭鉞捐建山門存贍田

安禪寺

在南豐縣西理坊近江舊名
禪立寺宋治平中賜今額

祥光寺

在南豐縣南臺山左初圓覺禪師于此建塔名
曰寶巖塔院宋大觀元年啟建天寧聖節道場

有祥光發見因賜名紹興二年革律為禪寺側有蟠
木軒屏雲軒紹定間兵燬淳祐三年大雨震電寺燬

明萬曆乙

卯重建

清修觀

在南豐縣北門世傳晉許吳二真君煉丹于此因名仙君觀唐大中改福壽宋治平元年賜名

清修元符三年五月有羣鶴自紫霄觀來因此為祝壽之所元大德三年興復明正德嘉靖間兩燬隆

慶間構
葺小殿

紫霄觀

在南豐縣四十四都唐名妙仙觀宋治平中賜今額上有壺公仙蹟

妙靈觀

在南豐縣神龜岡王侍宸文卿墓側唐開元中建久廢宋末里人鄒巖建侍宸祠移舊額以表

之

石仙觀

在南豐縣五都南唐昇元元年有漢天師十

樓真觀

在南豐縣三十四都南唐昇元元年建名游真觀宋治平中賜今額本朝康熙四年道士歐

陽綱
顯修

丹陽觀

即清虛觀在南豐縣伏虎巖下俗傳甘真人煉丹處

靈都宮

舊在南豐縣中和坊唐武德中仙鶴翔集九天下降名真元觀南唐魏元吉結茅于此宋改名

靈都建炎紹定咸淳凡三燬元大德四年陞觀為宮明洪武二十五年歸併清修等十三觀為叢林嘉靖二年建便民倉于其右四十二年遷宮于西寓中巷以宮之舊址及便民倉地改建叅將署

淨蓮寺

在新城縣東南三十五里舊名蓮江唐太和中建宋治平初改額久廢

淨居寺

在新城縣東山下唐咸通十二年建宋治平元年改建今所明歸併為叢林後燬于兵寺僧五

雲重
建

壽昌寺

在新城縣石硤唐咸通間僧泉南桂琛始建永居院宋治平間賜名壽昌院元皇慶間僧雲白

了心重修明洪武年僧宏還建于黃龍峯下永樂正統相繼修葺賜額壽昌禪寺胡濬撰碑記本朝順

治十年
重建

福山寺

在新城縣南四十里一名雙林寺唐廣明元年僧紹隆栖隱于此宋祥符中賜今名元延祐間

重建
等六院為叢林
明歸併白石

清梵寺

在新城縣西南五十里唐廣明元年建

幽棲寺

在新城縣西北三十里舊名棲靈院唐光啓二年建宋治平元年改今額

福勝寺

在新城縣西北三十里舊名招福院後唐同光二年建宋治平初改福勝院今稱寺

吉祥寺

在新城縣東南二十五里吳武義三年建
名新開寺宋治平元年改吉祥院今稱寺

安聖寺

在新城縣西五里南唐保大二年建名
橫崗院宋治平元年改安聖院今稱寺

真覺寺

在新城縣南二十里舊名南賢院南唐保
大中建宋治平元年改真覺院今稱寺

南谷寺

在新城縣北十五里南唐保大中建舊名龍安
院宋治平間改安福院明弘治間僧息庵遷居

西坑南谷 本朝順治戊子燬壬辰僧元
謚建康熙元年墨歷主法席改稱今名

寶慈寺

在新城縣東四十里舊名報恩院南唐
保大中建宋治平初改寶慈院今稱寺

梵安寺

在新城縣東螺蛭峯舊名永泰寺
南唐時建宋改梵安院今稱寺

靈山寺

在新城縣西北三里宋建隆元年建
治平初改為靈鷲山明仍稱靈山

香山寺

在新城縣北十五里舊名再興院宋建隆三年建慶厯間改名香山院今稱寺里人江士揆重

修有記

覺慈寺

在新城縣西十五里宋開寶三年建本朝康熙十年重新

廣照寺

在新城縣北三十里舊名鶴源寺宋治平元年改今額邑令楊傑有鶴源院銘明歸併西林六

院為叢林

天峯寺

在新城縣西一里舊名望天峯元延祐間改建稱新興院明改今額本朝順治間重建

龍湖寺

在新城縣龍湖山下舊為廣祐福善王行祠元至正三年建明改邑屬壇崇禎間僧元謐重建

鄧澄有記

報恩寺

在新城縣東湖寺後有塔元至正四年邑人王三錫建明崇禎七年修本朝康熙九年重修

逍遙觀

在新城縣南十五里宋開寶中建舊名龍華治平元年改今額

鶴仙觀

舊在新城縣東何家莊宋治平元年建紹興中遷環勝山下即今所元至正元年道士江希達

以道術顯于朝賜劍歸作高閣藏之謝升孫有記
元末燬明洪武中歸併仙居等八觀宣德間重修

仙居觀

在新城縣北隔溪二里舊名雲龍觀有唐鄧真人延康墓宋治平改額仙居明洪武三年重建

長生觀

在新城縣西金龍山宋治平元年建

太乙觀

在新城縣北梅峯宋紹興中建元至正中重建程鉅夫有記

興靈觀

在新城縣西七十里元至正五年建

大有觀

在新城縣北金船峯元至正戊子建
本朝順治年間修邑人江以碩記之

元帝宮

新城縣有二一在城中
東山一在北城樓上

惠安禪寺

在廣昌縣興城鄉唐儀鳳間居人曾延種紅
蓮數載忽變為白乃捨宅田為寺後數年又

變為
碧

大覺寺

在廣昌縣東隅內有東勝
閣邑人劉萬年捐資建

永興寺

在廣昌縣北明魏仁復建捐田入寺其子好
禮又捐田邑人劉仲為之記孫玉璘重修

真隱寺

在廣昌縣
新坊里

十興寺

在廣昌
縣治北

定心寺

在廣昌縣南監南里創于唐明正德十五年查買寺觀田地以備賑濟里人黃奉先奉例具價

銀納官備賑寺田地給牒黃氏管業仍施與本寺令僧住持成化中裔孫愈剛重修邑人何文淵記

極樂寺

在廣昌縣東遷善里住持僧行米重建

清修寺

在廣昌縣會文里即拗牛僧禪地久廢

保安寺

在廣昌縣北土屯里饒允志建

茗庵

在廣昌縣中洋港僧無聲建邑人劉邦治記

蓮花庵

在廣昌縣東隅金鐘崗僧蘊空建每月朔望唎誦邑人于此放生

龍泉觀

在廣昌縣西華山下相傳伍之奇飛昇處宋何行有詩

普潤寺

在瀘溪縣陽谿
唐貞觀二年建

法水寺

在瀘溪縣四都舊名龍泉有苦行僧結庵于側
乃感溫泉湧于石竇旱歲不涸唐開元間敝為

禪林以溫湯為額後改靈泉宋景德初改法水禪
院曾梅阜有記明萬厯間燬後重建石文器有序

慈明寺

在瀘溪縣大原唐名
慶雲宋治平初改額

真如禪寺

在瀘溪縣石寶山後唐天成初
建額曰地藏宋治平初改今額

興梵寺

在瀘溪縣長慶山南唐昇元建額曰
再興宋治平初改興梵院今名寺

瑞相寺

在瀘溪縣二都舊名白
馬宋治平初改今額

濟衆寺

在瀘溪縣八都舊名
嶽峯宋治平改今額

澤心寺

在瀘溪縣十六都
宋建李山甫有記

定安寺

在瀘溪縣四都杜藍宋紹興二年叅軍石松建
淳熙七年進士石致平請于朝因以定安院扁

額賜之

金鎖庵

在瀘溪縣五都明
邑人石文器有記

法雲觀

在瀘溪縣西源宋宣贊
舍人石永壽建已廢

廣信府

龍門寺

在上饒縣沙溪創始于唐朱子書額曰普陀別
境後祀本朝康熙丁卯僧起羈修并建大殿

廊廡

青巖寺

在上饒縣唐乾寧間建

茶山寺

在上饒縣北隅一名廣教寺陸羽泉在焉唐天祐間建歷代廢興不一本朝康熙丙午推官

黎士弘重建自為記壬辰復燬知府周鏞元捐建大殿

天寧寺

在府城耆德坊宋覺範洪禪師開山賜額報恩光孝禪院政和中改今名元末兵燬惟鐘樓僅

存

景德寺

在上饒縣南里許舊有十五小院曰薌巖曰浴佛曰報恩曰水陸曰孔雀曰文殊曰普賢曰慈

氏曰禪月曰玉白曰戒壇曰齋庫曰泗州曰廣信曰尊聖俱宋景德間建今存者報恩孔雀水陸慈氏而已明洪武間立為叢林嘉靖間少師夏言重修後俱廢本朝康熙庚戌知府高夢說倡建大殿壬辰修

葺御史桂
榮有碑記

祥符寺

在上饒縣溪南宋大中祥符間建有御書閣
祥符軒靈山亭元季兵燹惟大雄殿獨存

薦福寺

在上饒縣來蘇鄉宋
建炎間建元季兵燹

普安寺

在上饒縣溪南孔雀寺旁宋紹興間建明嘉靖
間僧正元重修少卿呂懷記崇禎間僧綱靜潮

增建

大德寺

在上饒縣富有坊
元大德三年建

正覺寺

在上饒縣石橋
鄉元延祐中建

土巖寺

在上饒縣安輯
鄉元至正初建

上團資福院

在上饒縣乾元鄉始建于唐明洪武二十四年立為叢林

南巖院

在上饒縣開化鄉又名廣福院唐權德輿為草衣禪師作記宋宣和五年重建陸漸有重修佛

記殿

青巖院

在上饒縣太平鄉唐乾寧中建明洪武二十四年立為叢林少卿鄭邦福嘗讀書于此

高泉報恩院

在上饒縣乾元鄉宋嘉祐中建明崇禎間博山釋成許主席改為禪院舊有九井今

止存

一

香林院

在上饒縣靈山鄉元天曆初建明洪武間立為叢林

雲山庵

在上饒縣博山釋弘裕記

元妙觀

在上饒縣耆德坊
宋建炎間建已廢

至德宮

在上饒縣靈山南麓傍崖為寺祀龍神為雪禱之所
本朝康熙己巳知府蔡廷輔推官黎士

弘祈禱有應
重為修葺

太霞宮

在上饒縣南隅
宋建炎間建

證果道院

在上饒縣永樂鄉宋政和間建

證因寺

在玉山縣原名白雲庵係古玉東叢林舊址
本朝康熙壬戌僧紹燈勦建乙酉春僧得旻獻

詩

額證因寺

普寧寺

在玉山縣信豐鄉唐總章間立本捨宅創建
宋皇祐間邑人徐沔重建元末燬于兵明永樂

宣德間僧會行昶先後重建本朝康熙四年博山僧居之改僧會為禪院

懷玉寺

在玉山縣二十九都唐大厯間建乾符中志初禪師開法席宋有齋古禪師元有雪濤禪師居

此皆名衲

覺林寺

在玉山縣順城鄉唐天祐建明洪武間立為叢林

少華山寺

在玉山縣二十三都相傳江端明故址石皆青碧奇詭不可名狀有金氏叟同僧募開禪

林

智門教院

在玉山縣信豐鄉唐總章間建開立本讀書于內今立為叢林

廣平院

在玉山縣信豐鄉唐乾符元年僧佛日大師建

興教院

在玉山縣錦衣鄉唐乾寧間建

淨名院

在玉山縣順成鄉唐末開基宋淳熙間重建

瑞峯院

在玉山縣信豐鄉宋咸平間建

等慈院

在玉山縣平安鄉宋天聖二年建內有十如清隱園通西竺歸雲五堂明永樂間漂于水正統

辛酉
重建

澄心院

在玉山縣招善鄉宋治平間建姑蘇李尚書彌大為寫王摩詰經文且為之記院僧因國王李

及僧龍南像號三老

堂汪端明記趙蕃銘

定惠院

在玉山縣龍泉山有湧泉石龍之異因創寺焉宋治平二年賜額

福勝院

在玉山縣錦衣鄉宋元豐二年重建里人葉虞仲為記院有淨行堂紹興初提舉喻樞至院題

壁

天井院

在玉山縣十三都一名福山庵宋建炎間里有女金華者結茅于此紹興四年歸化于澄心

院里人于其修道之所建寺隣無不應明弘治萬厯間增創堂舍本朝順治九年重修知縣唐世徵有記

石僧院

玉山縣有二一在二十八都宋紹興間建旁有石如人因名內有歸雲堂俱廢一在錦衣鄉亦

紹興
間建

武安院

在玉山縣水南武安山其初草創一區自明迄今大啓殿宇重垣複閣規制巍然張郭金臺俱

記有

洞元觀

在玉山縣錦衣鄉舊名葛仙觀宋治平二年改賜今額廢址尚存

福慶觀

府志云在玉山縣玉山鄉宋咸淳間建又縣志云在縣治水南黃谷山明洪武十五年建

安慶道院

在玉山縣儒學西宋咸淳間建明洪武二十三年道會李願則重建後地以其址為射圃

三清宮

在玉山縣三清山中葛仙翁修煉之所

真如寺

在弋陽縣治東里許晉咸康間建明洪武二十二年邑人徐永壽施田二百餘畝立徐氏香火

祠于內

蓮塘寺

去弋陽縣治十里創于晉咸于宋明洪武間僧入智重修永樂間僧敬善正統間僧永監繼修

李奎記

南巖寺

在弋陽縣新政鄉唐太和間比丘神曜增修宋嘉定間王元長建殿門堂廡鐘樓及架橋之亭

後圮元至正間僧嗣正修明崇禎間重修邑人范有輜題額曰自然天地本朝康熙五年增修

龜峯寺

在弋陽縣玉亭鄉唐乾寧間僧茂蟾開山宋釋慧光建法化後塔于本山明末圮本朝初釋

智能修

東禪寺

在弋陽縣歸仁鄉始創于唐久廢本朝康熙二十一年越僧奇峯募建知縣譚瑄為記

桃花寺

在弋陽縣玉亭鄉宋景德間建

白石寺

在弋陽縣招賢鄉宋元祐間建

欽定四庫全書

江西通志

四十一

北山寺

在弋陽縣北隅宋宣和中相傳周氏捨宅建
本朝順治癸巳僧來珍修康熙辛丑僧恒源重

修

開寶寺

在弋陽縣永年鄉舊有寶相寺創于宋右為開
明觀厯久荒廢漱雪禪師住持合併為一遂更

名開寶寺

吉巖寺

在弋陽縣新政鄉為宋一公聖者坐化之地後
有僧法震于此鑿石為佛座其徒辨成建塔岩

下并構佛殿元季燬于兵明永樂間知縣王尚瑞
延鉛山僧德清重建有聖塘池邑遇旱必往禱焉

慧濟禪寺

在弋陽縣萬全鄉本朝順治初釋智
季勛建知縣劉臨孫顏曰萬山禪林

鈴山般若寺

在弋陽縣永平鄉順治戊戌里民程啓斌
延嵩山法嗣常悅居之啓斌依悅為僧重

殿構大

清泉寺

在弋陽縣永平鄉有笑嵒清泉古剎康熙十六年林舒西堂居此復興知縣顧丁璫額曰聲香

梵

金圭寺

去弋陽縣治四十里高峯逶迤十五里到頂可眺鄱湖寺久廢康熙十一年僧賓吉重建

後溪院

在弋陽縣孝誠鄉梁天監建已廢

待賓院

在弋陽縣招賢鄉梁大同七年建隋廢宋大觀間重建

靈泉庵

在弋陽縣北二里山甚險仄凡數百武為宋王十朋讀書處壁上有碧落洞天四字

葛仙觀

在弋陽縣持藥山葛仙煉丹處唐天寶七載初建壇左有喬公篆跡煉丹竈及仙橋諸勝

靈陽宮

在弋陽縣治北
明洪武間建

興山寺

在貴溪縣仁福鄉晉建
朱子扁曰昂山勝槩

鳴山寺

在貴溪縣永和鄉
劉宋景平間建

稱心寺

在貴溪縣仙源鄉
唐先天間建

梅山寺

在貴溪縣德化鄉
唐開元間建

龍窟寺

在貴溪縣孝思鄉
唐開元間建

瑞龍寺

在貴溪縣永和鄉
唐開元間建
廢 本朝康熙丙午僧蒼巖重建

白衣寺

在貴溪縣新太坊
唐大厯初建
明嘉靖間知縣
表鳳鳴重建 本朝康熙間知縣高駿升興復

更名
青蓮

蓮花寺

在貴溪縣仁福鄉唐大厯間建

紫源寺

在貴溪縣化行鄉唐大厯間建

大巖寺

貴溪縣有二一在孝思鄉唐大厯間建一在南鄉宋淳熙間建

新興寺

在貴溪縣仁孝鄉唐大厯間建

仙巖寺

在貴溪縣仙源鄉宋熙寧間建俗名乾巖寺

東山寺

在貴溪縣化行鄉元大德間建本朝僧道生重修

大上清宮

在貴溪縣龍虎山漢天師張道陵後裔居之唐名真仙館宋大中祥符間改上清觀政和

間敕改上清正一宮元大德間賜名正一萬壽宮學士王構有記明洪武間第四十二代真人張守初請于朝建大上清一萬壽宮二十六年告成金華蘇伯衡為記國朝康熙二十二年第五十四代真人張

聖祖繼宗 御書賜號碧城并大真人府大上清宮扁額後又

賜玉皇尊經乾坤玉劍之類真人奏請修理宮殿奉旨浙江織造江西巡撫估計發帑興修雍正九年上清宮

皇上嘉其忠誠 提點婁近垣留京辦事

賜冠服銀幣食四品俸發帑金 欽差官監修龍虎山廟宇建斗母閣近垣暨署理正一

嗣教大真人印務張昭麟 同監修十年十月竣工

昭真宮

在貴溪縣南三峯右漢王表修煉之所

仙源宮

在貴溪縣南五十都舊為觀明嘉靖間
邵元節奉勅改建為宮隆慶間詔毀

演法觀

在貴溪縣龍虎山漢張道陵修煉處南唐保大
間建天師廟有陳喬碑記宋崇寧中改為演法

觀

仙隱觀

在貴溪縣龍虎山
宋謝枋得有詩

乾元觀

在貴溪縣龍虎山元至
元間建鄧光薦有記

繁禧觀

在貴溪縣龍虎山元趙
孟頫書額虞集有記

佑聖觀

在貴溪縣龍虎山
元揭傒斯有記

北真觀

在貴溪縣龍虎
山明胡儼有記

祥符觀

在貴溪縣龍虎山舊為蒙谷庵後為俗仙觀明嘉靖間改賜今額

靜應觀

在貴溪縣龍虎山舊名真懿觀明嘉靖間改賜今額

靖通庵

在貴溪縣龍虎山虛靖真人建有高似孫記

鷺湖寺

在鉛山縣北十五里以鷺湖山得名唐大曆中大義禪師結庵峯頂後移臨官道宋咸平間賜

額慈濟禪院景德四年改賜仁壽明萬厯間釋養庵卓錫于此

金相寺

在鉛山縣南二十五里唐大曆中鷺山院吳太和改資福南唐昇元中改鷺山延福宋治平

二年改賜今名有淨昭軒蘇堅碑記余時義有重修記

祖教寺

在鉛山縣東十五里本名興唐院宋治平二年改賜今額

天王寺

在鉛山縣北一里唐大順中建南唐昇元四年賜額有藏有塔明萬厯三十年通判徐性成重

建

本朝康熙二十年知縣潘士瑞修

華嚴寺

在鉛山縣東十里唐光化中建龍安院宋治平四年改賜今名著作郎袁谷有碑記後地本

建 朝康熙九年僧在如重
治平張時泰有記

海智寺

在鉛山縣東南五十里踞大廬山之巔唐景福中名龍福院宋治平改賜今額有法湧堂堂下

有靈泉

龍華寺

在鉛山縣東十里唐天復元年彌勒院宋治平二年改賜今額

祕藏院

在鉛山縣北三十五里唐天寶元年看經院宋治平二年改今額

欽定四庫全書

圓通院

在鉛山縣西北十五里唐天寶五載建宋治平二年賜額

開化院

在鉛山縣北十里唐大義禪師居焉大厯中建龍窟山禪院宋治平二年改賜今額

資聖院

在鉛山縣北四里大義禪師嘗結庵焉光啓中改石井大順元年改賜今名

崇聖院

在鉛山縣南三十五里大義禪師開山大順中建上感保壽觀音院楊吳太和五年改安存宋

大中祥符元年賜今名
有顯國公龐籍修院碑

壽寧院

在鉛山縣龍琚山唐會昌中龍窟院南唐昇元中改靈隱宋治平中賜今名有梵殿碑

章法院

在鉛山縣東天柱山唐僧道和初結草庵後遂為精藍乾寧五年名西林院宋治平二年改賜

今額有中和堂山光閣芙蓉軒水月池

戒德院

在鉛山縣西南十五里舊名長生院宋治平二年改賜今額

悟空庵

即湖山寺在鉛山縣南西湖灣宋治平二年建本朝康熙三年知縣劉泗重建

觀音石庵

在鉛山縣西三里明萬厯間姚江陸夢龍建本朝康熙戊子冬燬重建

玉虛觀

在鉛山縣西七里昔葛元煉丹其地唐歲通中建宋華觀宋治平二年改賜今名有地仙徐若

渾題字

鴻都觀

在鉛山縣天柱山之巔昔玉華真人煉丹其上南唐昇元中建南華觀宋治平二年改賜今額

太極觀

在鉛山縣即葛仙祠元陳衡有記

開光寺

在廣豐縣近柘陽寨唐元和中建已廢為小院

漸湖寺

在廣豐縣柘陽溪旁
唐咸通間建已廢

建興寺

在廣豐縣玉陽
鄉唐建久廢

博山寺

在廣豐縣崇善鄉本名能仁寺五代時天台韶
國師開山宋紹興中悟本禪師奉詔開堂卒棄

疾為記明萬厯間大藏
禪師重興何如寵有記

鹿苑寺

在廣豐縣四十九都
宋元符中建已廢

景福寺

在廣豐縣崇善
鄉宋紹興間建

西巖寺

在廣豐縣周安鄉宋韓世忠討苗傅夜抵寺宿
禱于神後果得神助具聞賜額為廣福羅漢院

龍洋寺

在廣豐縣富成鄉宋淳
熙間叅政施師點建

明心寺

廣豐縣有二一在永平鄉宋淳祐間建後為僧會司一在治南里許元至大二年邑人周敬捨

地建

多寶寺

一名寶積寺在廣豐縣四十都元元貞時里人管揆捨地創明萬曆間其裔孫重新之

日光院

在廣豐縣周安鄉唐咸亨間建有元時碑今廢

寶積禪院

在廣豐縣亦名靈鷲寺唐元和間建今廢僅存小院

智覺院

在廣豐縣崇善鄉唐乾寧初建

法印堂院

在廣豐縣周安鄉五代時建宋治平間賜額

真隱觀

在廣豐縣城外西山上宋紹興間為仙人呂貧子建本朝康熙間知縣馬象觀構來紫亭于

山

洞元觀

在廣豐縣西隅元貞間里人俞希賢創建未竟其嗣應康成之後祀本朝康熙十九年知

縣齊贊宸于舊址前建馬閣題曰正一

龍山寺

在興安縣北賢鄉宋開寶間建

龍興寶信寺

在興安縣安賴鄉宋元豐中建

弋湖寺

在興安縣太平鄉宋寶祐間建

七寶寺

在興安縣靈山鄉元至正間建

汪巖寺

在興安縣明時建已廢

岑山寺

在興安縣治北岑山洞內有觀音閣金剛樓
缺瓦觀明萬厯間僧慧庵祝髮于此重新之

龍泉庵

在興安縣招賢鄉本朝知
縣王舟瑤建內有凌霄閣

惠澤觀

在興安縣安輦
鄉明正統間建

青華宮

在興安縣治西
明嘉靖間建

葛仙宮

在興安縣安輦
鄉明嘉靖間建



江西通志卷一百十二